

# 百川學海

高氏子畧 一  
 高氏騷畧 一  
 梅屋獻醜集 三


漢書門類		九	八	五	四
三	〇	九	八	五	四
冊	架	函	號	類	

庫文閣內		
三七〇	九八五	漢
函	三五	
一七架		

內閣文庫	
番號	漢 9854
冊數	30 ( 18 )
函號	370 33

已集二

共三十季






子略序

淺學文集

六經後以士才藝自聲於戰國秦漢間往往騁辭立  
 言成一家法觀其跌宕古今之變發揮事物之機智  
 力足以盡其神思致足以殫其用其指心運志固不  
 能盡宗於經而經緯表裏亦有不能盡忘乎經者使  
 之純乎道昌乎世豈不可馳騁規畫錡錘事功而與  
 典謨風雅並傳乎所逢如此所施又如此終亦六六  
 與群言如一百氏同流可不嗟且措哉嗚呼仲尼皇  
 皇孟子切切猶不克如臯夔如伊呂周召況他乎至  
 若荀況楊雄氏王通韓愈氏是學孔孟者也又不可  
 與諸子同日語或知此意則一言可以明道藝究訐  
 謨可以立身養性致廣大盡高明可以著書立言丹





青金石垂訓乎後世顧所擇如何耳審哉審哉乃系以諸子之學必有因其學而決其傳存其流而辨其術者斯可以通名家究指歸矣作子略

子略卷一

黃帝陰符經

高氏 似孫 續古

觀天之道，執天之行，盡矣。故天有五賊，見之者昌，五賊在心，施行於天，宇宙在乎手，萬化生乎身。天性人也，人心機也，立天之道，以定人也。天發殺機，日月星辰地發殺機，龍蛇起陸，人發殺機，天地反覆。天人合發，萬變定基。性有巧拙，可以伏藏。九竅之耶，在乎三要，可以動靜。火生於木，禍發必剋。姦生於國，時動必潰。知之修練，謂之聖人。天地萬物之盜，萬物人之盜，人萬物之盜。三盜既宜，三才既安。故曰：食其時，百骸理，動其機，萬化安。人知其神而神，不知不神，所以神。



日月有數大小有定聖功生焉神明出焉其盜機也  
天下莫不見莫能知君子得之固窮小人得之輕命  
瞽者善聽聾者善視絕利一源用師十倍三反晝夜  
用師萬倍心生於物死於物機在目天之無恩而大  
恩生迅雷烈風莫不蠢然至樂性餘至靜則廉天之  
至私用之至公禽之制在氣生者死之根死者生之  
根恩生於害害生於恩愚人以天地文理聖我以時  
物文理哲自然之道靜故天地萬物生天地之道浸  
故陰陽勝陰陽相推而變化順矣至靜之道律呂所  
不能契爰有奇器是生萬象八卦甲子神機鬼藏陰  
陽相勝之術昭乎進乎象矣

陰符經

陰符經注

太公等注七卷十家

七家注一卷

李靖注一卷李筌

張杲注一卷

袁淑真注一卷

蕭真宰注一卷

黃居真注一卷

沈亞夫注一卷

任照一注一卷

蹇昌辰注

杜光庭注一卷

陸佃注一卷

李靖陰符機一卷

陰符太無傳一卷張杲

陰符正義一卷唐

陰符要義一卷

李筌妙義一卷唐

陰符辨命論一卷張杲

陰符元談一卷先

陰符經一卷杜

陰符十德經一卷高

陰符經疏一卷表



陰符經頌元子一卷大

陰符經為子一卷無

陰符頌三卷張

陰符元義張魯一卷唐

陰符丹經一卷防

陰符丹經一卷

陰符序李筌一卷

陰符經訣一卷

陰符經序一卷

陰符五賊義一卷

陰符小解一卷

陰符天機經一卷

陰符解題一卷

陰符丹經解一卷

陸龜蒙讀陰符經詩

清晨整冠坐朗詠三百言備識天地意獻詞犯乾坤  
何事不隱德降靈生軒轅口銜造化斧鑿破機關門  
五賊忽逃逸萬物爭崩奔虛施神仙要莫救華池源  
但心戰勝心相高中兵屯龍蛇競起陸鬪血浮中原

與周武反覆更為尊下及秦漢得清氣亦亦

強自休據仁弱無枝躄狂喉恣吞噬逆翼爭  
家家同天發不肯匡淫昏生民墜塗炭此屋為冤魂  
祇為謹此書大樸難久存微臣與軒轅亦是萬世孫  
未能窮意義豈敢求瑕痕曾亦愛兩句可與賢達論  
生者死之根死者生之根方寸了十字萬化皆胚渾  
身外更何事眼前徒自喧黃河但東注不見歸崑崙  
晝短苦夜永勸若傾一樽

皮日休讀陰符經詩

三百八十言出自伊祁氏上以生神仙次云立仁義  
玄機一以發五賊紛然起結為日月精融作天地髓  
不測似陰陽難名若神鬼得之昇高天失之沈厚地



具茨雲木老大塊煙霞委自顛頊以降賊為聖人執  
堯乃一庶人得之賊帝摯摯見其德尊脫身授其位  
非惟一鰥民冗冗作什器得之賊帝堯曰丁作天子  
禹本刑人後以功繼其嗣得之賊帝舜曰丁作天子  
自禹及文武天機惓然施如公樹其綱賊之為聖言  
聲詩川競大禮樂山爭峙爰從幽厲餘宸極若孩  
九伯真大彘諸侯實虎兕五星合其耀白日出關  
由是生聖人於焉當亂紀黃帝之五賊拾之若青  
高揮春秋筆不可刊一字賊子虐甚所姦臣痛於  
至今千餘年蚩蚩受其賜時代更復改刑政崩且  
余將賊其道所動多訛毀叔孫與賊愈賢聖多如此  
何黃帝機吾得多坎躓

陰符經

似孫曰軒轅氏鑿天之奧洩神之謀著書曰陰符雖  
與八卦相表裏而其辭其旨涉乎幾入乎深唯深也  
故能通天下之志唯幾也故能通天下之臆唯神也  
故不疾而速不行而至軒轅氏皆有得於此者堯舜  
禹以徠皆精一危微行所無事之時陰符之學無所  
著見豈非行之於心仁於天下者乎湯武有誓輜匱  
有兵八陣有圖遂皆用此以神其武而况有風后握  
竒一書又為之經緯乎此黃帝心法而後世以為兵  
法者是以此書見之兵家者流殆未曾讀陰符矣嗚  
呼若符之學一乎兵則黃帝之所以神其兵者豈必  
皆出於此哉古之聰明睿知神武而不殺故通其變



使民不倦神而化之使民宜之此為陰符之機矣其  
曰天有五賊見之者昌此又出於義畫之表人固有  
五賊特莫之見耳若能見之何止乎昌耶夫子曰老  
而不死之謂賊此之謂也皮日休之言奇矣皮日休  
和陸龜蒙讀陰符詩有曰三百八十言出自伊耆氏  
庾氏所見亦今本耳

### 風后握奇經

馬隆本作握機叙云風后軒轅臣也握者機  
也大將所居言其事不可妄示人故云握者機  
人稱諸子總有三本其一增字以發明之其一  
本三百八十言蓋尚增字以發明之其一  
行簡有公孫弘等語或云武帝令霍光等習  
之於平樂館以輔少主備天下之不虞令本  
字新四

八陣四為正四為奇

舊注奇讀如宇後人為四奇風  
雲為四正龍虎鳥蛇為四奇公

孫弘曰世有八卦陣法其既不用餘奇為握奇  
如奇耦之奇解云說奇陣數有九中心奇零者大將  
正四為奇餘奇為握奇陣數有九中心奇零者大將  
握之以應赴或總稱之先出遊軍定兩端天有衝圓  
八陣之奇餘奇為握奇陣數有九中心奇零者大將  
地有軸前後有衝風雲作有風附於天雲附於地衝有  
重列各四隊前後之衝各三隊風居四維故以圓軸  
單列各三隊前後之衝各三隊風居四角故以方天  
居兩端地居中間總為八陣陣訖遊軍從後躡敵或  
驚其左或驚其右作驚一警聽音望摩以出四奇  
天地之前衝為虎翼風為蛇蟠圍繞之義也虎居於  
中張翼以進蛇居兩端向敵而蟠以應之天地之後  
衝為飛龍雲為鳥翔突擊之義也龍居其中張翼以  
進鳥掖兩端向敵而翔以應之虛實二壘三軍皆逐



天文氣候向背山川利害隨時而行以正合以奇勝  
 天地以下八重以列或曰握機望敵即引其後以倚  
 角前列不動而前列先進以次之陣法孫弘曰傳項砥  
 注前列等八字舊文在依此或合而為一因離而為八  
 各隨師之多少觸類而長

天或圓而不動一而不天或前為左後為右天地四望  
 之屬是也風象二字有天居兩端其次風其次雲其  
 次天衝其次地衝其次雲衝其次左右相向是也地方布風雲各在  
 後衝之前天居兩端其次地居中間其次天其次地兩  
 地為比是也或曰孫弘曰布擊破敵功圍不定其形改陣  
 有動靜二義皆雜出經弘曰縱布天一兩字而縱字上  
 一作雲象龍象龍天二次之作兩天一縱布地四次於天

後次一作縱布四地四地縱布四風挾天地之左右  
 地天地前衝居其右後衝居其左地無二句居其無  
 五後衝雲居兩端虛實二壘則此是也地無二句居其無  
 虛實此微有孫弘曰人多傳信注釋天或圓布  
 於其明哲不復備載近古以來其文不滿意尺多憑之  
 以相傳授予今於陣圖如變通由發明之耳一本其  
 部隊下孫氏稱與天有衝止類而長列于軍定兩端  
 也按公孫氏經而與天有衝止類而長列于軍定兩端  
 下以孫氏經而與天有衝止類而長列于軍定兩端  
 馬本翔鳥如之下今

握奇經續圖

角音一

初警衆 末收衆

革音五



金音五

- 一持兵
- 二結陣
- 三行
- 四趨走
- 五急鬪

魔法五

- 一緩鬪
- 二止鬪
- 三退
- 四背
- 五急背背一作趨一本

旗法八

- 一玄
- 二黃
- 三白
- 四青一作赤
- 五赤一作青
- 一天玄
- 二地黃
- 三風赤
- 四雲白
- 五天前上玄下赤

陣勢八

- 六天後上玄下白
- 七地前上玄下青赤一作
- 八地後上黃下赤青一作

天

地

風

雲

飛龍

翔鳥

虎翼

蛇蟠

- 二革二金為天
- 二革三金為地
- 二革三金為風
- 二革二金為雲
- 四革三金為龍
- 三革四金為虎
- 四革五金為鳥
- 五革四金為蛇舊注此

用鼓

子



其金革之間加一角音者在天為兼風在地為兼  
雲在龍為兼鳥在虎為兼蛇加二角音者全師進  
東加三角音者全師進南一作西加四角音者全師  
進西南一作南加五角音者全師進北鞅音不止者行  
伍不整金革既息而角音不止者師並旋

三十二隊天衝

十六隊風

八隊天前衝

十二隊地前衝

十二隊地軸合作二

八隊天後衝

十二隊地後衝

十六隊雲

以天地前衝為虎翼天地後衝為飛龍風為蛇蟠  
雲為翔鳥

馬隆總述

治兵以信求勝以奇信不可易戰無常規可握則振  
可施則施千變萬化敵莫能知

匹陳讚

動則為奇靜則為陳陳者陳列戰則不盡分苦均勞  
佚輪轍有兵前守後隊勿進

天陳讚

天陳十六內方外圓四面風衝其形象天為陳之主  
為兵之先潛用三軍其形不偏

地陳讚

地陳十二其形正方雲生四角衝軸相當其體莫測  
動用無疆獨立不可配之於陽

風陳讚



風無正形附之於天變而為蛇其意漸玄風能鼓動萬物驚焉蛇能圍繞三軍懼焉

雲陳讚自正形所以附天地

雲附於地則知無形變為翔鳥其狀乃成鳥能突擊雲能晦冥千變萬化金革之聲

飛龍

天地後衝龍變其中有手有足有背有骨有曾潛則不測動則無窮陳形亦然象名其龍

翔鳥

鷲鳥擊搏必先翱翔勢凌霄漢飛禽伏藏審而下之下必有傷一夫突擊三軍莫當

蛇蟠

風為蛇蟠蛇吞天真勢欲圍繞性能屈伸四季之中與虎為隣後變常山首尾相因

虎翼

天地前衝變為虎翼伏虎將搏盛其威力淮陰用之變化無極垓下之會魯公莫測

奇兵讚

古之奇兵兵在陳內今人奇兵兵在陳外兵體無形形露必潰審而為之百戰不昧

合而為一離而為八

合而為一平川如城散而為八逐地之形混混沌沌如環無窮紛紛紜紜莫知所終合則天居兩端地居其中散則一陰一陽兩兩相衝勿為事先動而輒從



遊軍

遊軍之形乍動乍靜避實擊虛視羸撓盛結陳趨地斷繞四徑後賢審之勢無常定

金革

金有五革有五退則聽金進則聽鼓鼓以增氣金以抑怒握其機關戰不失度

鞞鼓

紅塵戰深白刃相臨勝負未决人懷懼心乍舞乍背或縱或擒行伍交錯整在鞞音

麾角

魔法有五光目條流角音有五初驚末收麾者指角者敬馬覺臨機變化慎勿交錯光目一作自

兵體

上兵伐謀具下用師棄本逐末聖人不為利物禁暴隨時禁衰蓋不得已聖人用之英雄為將夕惕乾乾舊明其形不偏樂與身後勞與身先小人偏勝君子兩全爭者逆德不有破軍必有亡國握機為陳動則為賊後賢審之勿以為惑夫樂殺人者不得志於天下聖人之言以戒來者天作


依孫曰風后握奇經三百八十四字其妙本乎奇正相生變化不測蓋潛乎伏羲氏之畫所謂天地風雲龍鳥蛇虎則其為八卦之象明矣蓋注奇讀如奇耦之奇則尤可與易準諸儒多稱諸葛武侯八陣唐李衛公六花皆出乎此唐裴緒之論又以為六十四陣



之變其出也無窮若此則所謂八陣者特八卦之統  
 爾焦氏易學卦變至乎四十九有六奇正相錯變  
 化無窮是可以名數該之乎然觀木公武韜且言牧  
 野之師有天陣有地陣此固出於握奇而又有入陣  
 焉此又出於天地陣之外者非八陣六化所能盡也  
 獨孤及作風盾八陣圖記有曰黃帝順煞氣以作兵  
 法文畱以命將風盾握機制勝作為陣圖故八其陣  
 所以定位衝抗於外軸布於內風雲負其四維所次  
 備物也虎張翼以進蛇向敵而蟠飛龍翔鳥上下其  
 勢所以致用也至若疑兵以固其餘地遊軍以案其  
 後列門具將發然後合戰弛張則二廣迭舉犄角則  
 四奇皆出圖成鑄俎帝用經畧北逐獯鬻南平蚩尤

意風宜宜神機未昧項籍得之霸西  
 九江孝武得之懷匈奴唐天寶中客石得且  
 黃帝書之外篇裂素而圖之按魚復之圖全本於  
 機贖其妙窮其神者武侯而已獨孤乃以為項黥武  
 得之未之思歟

武侯八陣圖附





似孫曰蜀漢丞相武鄉侯諸葛亮八陣圖其一圖在  
沔陽高平故壘酈道先水經以為傾而難識矣其一  
圖在新都八陣鄉峙土為魁植以江石四門二首六  
十四魁八八成行兩陣並峙周九四百七十二步魁  
百有三十其一圖在魚復者隨江布勢填石為規前  
障壁門後倚卻月縱八橫八魁容二丈內面偃月九  
六鱗差江自岷來奔怒湍激驚雷迅馬不足以敵其  
雄也徙華變滄不足窮其力也磊磊斯石載轟載捲  
知幾何年曾不一仄是非天所愛神所傲者歟昔者  
風后以陣法佐黃帝戮蚩尤若變與神蓋出於握奇  
經者也所謂經者本乎先天贖乎八卦錯以九疇非  
武侯窺其幾洩其用四頭八尾昧落聯因隊相容隨

形可首雖曰奇正迭變未有不出於正者故曰黃帝  
之師百戰百勝者此其得之桓溫固嘗驚嘆以為常  
山蛇杜甫又切感嗟稱其石不轉武侯之心則二子  
所未深知也惟王通氏以為亮而無死禮樂可興吁  
知武侯者通乎昔者先王處民以井寄兵於民熟之  
以禮容用之以節制是誠不陣而可以服人兵者使  
武侯昌諸用勒諸功甘誓牧誓可也天不壽漢圖石  
如泣悲夫武侯又有將苑一卷十六策一卷

鬻子

魏相奏記載霍光曰文王見鬻子年九十餘文王曰  
噫老矣鬻子曰君若使臣捕武逐麋臣已老矣若使  
坐策國事臣年尚少文王善之遂以為師今觀其書



則曰發政施仁謂之道上下相親謂之和不求而得  
謂之信除天下之害謂之仁其所以啓文王者決矣  
其與木公之遇文王有相合者木公之言曰君有六  
守仁義忠信勇謀又曰鷲鳥將擊卑飛翮翼武狼將  
擊弭耳俯伏聖人將動必有愚色左決於啓文王者  
矣非二公之言殊相經緯然其書辭意大略淆雜若  
大誥洛誥之所以爲書者是亦漢儒之所綴輯者乎  
木公又曰曰天下非一人之天下天下之天下也奇矣  
藝文志叙鷲子名能著書二十二篇今一卷六篇唐  
貞元間柳伯存嘗言子書起於鷲能此語亦佳因錄  
之永徽中逢行珪爲之序曰漢志所載六篇此本凡  
十四篇予家所傳乃篇十有二

太公金匱六韜

前曰維師尚父時維鷹揚諒彼武王肆伐大商會  
清明鄭康成稱其天期已至兵甲之疆師率之武  
今伐商合兵以清明也牧誓曰時甲子昧爽武王  
至于商郊牧野與詩合也武王之問太公曰何以知  
人心王時寢疾太公負而起之曰行迫矣勉之武  
乃駕鷲實之車周田爲之御至于孟津太公參連  
大才扶冒車戰具飛鳧以銅鉞自翽電影銅莖赤  
書則爲星方頭鐵鉞重六斤一行馬廣仁渡溝飛  
橋開廣五丈轉鷹爪方凶鐵把柄長天陣一左一  
何天陣此地陣右前後之利左人陣車馬積楹臨  
與雲梯飛樓中視也武衡大櫓所須雲火萬炬具吹

一

一



菰審此則康成所曰兵甲之疆師率之武為可攷也亦詩所謂檀車煌煌駟騶彭彭者也又攷諸武王曰殷可伐乎太公曰天與不取反受其咎武王又曰諸侯已至士民何如太公曰大道無親何急於元士武王又曰民吏未安賢者未親何如太公曰無故無所如天如地其言若有合於書者詩之上章曰保右命爾燮伐大商上帝臨汝無貳爾心此之謂歟

孔叢子

漢藝文志無孔叢子而孔甲監孟二十六篇出于雜家而又益以連叢其濁治篇稱孔鮒一名甲世因曰孔叢子盤孟者其事雜也漢書注又以孔甲為黃帝之史或夏帝時人篇第又不同若非今孔叢子也記

問篇載子思與孔子問答如此則孔子時子思其口長矣然孔子家語後叙及孔子世家皆言子思年止六十二孟子以子思在魯穆公時固常師之是為的然矣按孔子沒於哀公十六年後十六年哀公卒又悼公立三十七年元公立二十一年穆公既立距孔子之沒七十年矣當是時子思猶未生則問答之事安得有之耶此又出於後人綴集之言何其無所據若此好古之癖每有悅乎異帙竒篇及觀其辭攷其事則往往差謬而同異嗚呼夫子沒而微言絕異端起而大義乖皆苟簡於一時而增疑於來世也故為學者舍六經何師焉

曾子



曾子者曾參與其弟子公明儀樂正子春單居離曾  
元曾華之徒講論孝行之道天地事物之原凡十篇  
自修身至于天圓已見於大戴禮篇爲四十九爲五  
十八他又雜見於小戴禮略無少異是固後人掇拾  
以爲之者歟劉中壘父子秦漢七略已不能致辨於  
斯况他人乎然董仲舒對策已引其言有曰尊其所  
聞則高明行其所知則光大則書固在董氏之先乎  
又其言曰君子愛日及時而成難者不避易者不從  
旦就業夕自省可謂守業年三十四無藝則無藝  
矣五十不以善聞則無聞矣質者吾自三省吾身何  
其辭費耶予讀先太史史記注七十二弟子傳參字  
子輿晉灼讀音如宋昌驂乘之參因併及之

### 魯仲連子

仲連生戰國間可謂大不幸者矣有其材即無其時  
有其時無其事業此志士之所共嗟也若其辭氣雋  
放個儻磊落琅琅乎誓諾之風遺燕將一書有曰智  
者不背時而棄利勇士不怯死以滅名忠臣不先身  
而後君辭旨激亮隱然出乎戰國之表其義高矣史  
記傳仲連言其莫肯干仕嗚呼當是時士掉三寸舌  
得意天下一言捭闔取富貴如拾芥往往挾詐尚謀  
揉轡於名利之場如恐不及仲連智謀辯勇非儀秦  
堯術輩可伍因事抗議切中事機排難解紛迎刃而  
破心畏爵賞如逝鴻避戈連之意沉冥斯世久矣使  
連可縻不過相齊耳天下諸侯方足惴惴將一于



秦亦豈一齊所可亡秦者逃歸海上矐焉著龜茲其  
所以大過人歟戰國以來一人而已

晏子春秋

孔子刪詩而魯頌居周商之中孔子定書而費誓秦  
誓在周書之後下僭上臣逼君禮義銷微制度掃地  
聖人無所施其正救而猶惓惓於詩書至於世日益  
亂分日益陵三綱五常斷喪乖紊天地之變有不可  
勝言者而春秋作矣春秋所書莫大於齊晉之霸齊  
晉之霸莫雄於管仲之謀周室法度爲之蕩然其爲  
術至慘也至無道也其遺患天下後世者仲也三歸  
反玷仲於禮也何有以此謀國國安得正而况背義  
違禮桓公唯甚君臣之際不亦陋乎不特是也自大

公疆于齊至于宣公蓋二十三傳矣而弑死十有一  
嗚呼何其甚亂也獻公殺其兄襄公淫其妹懿公宣  
公皆以淫惡而見弑當是時禮亡義墮豈復知有君  
臣上下之分哉在景公時齊之爲齊趨於弱入於危  
矣公燕群臣請無爲禮是何其言之謬法之蕩也晏  
子蹴然進曰君言過矣群臣固欲君之棄禮也力強  
足以勝其長勇多足以殺其君而禮不使也戰國之  
汚有臣如此亦庶幾焉然而田氏之宗世世齊政實  
恩歛惠以懷其民民亦忘齊而歸田氏禮之素蕩義  
之素墮魚爛冰銷有不可禦誦晏子之語究晏子之  
心豈不哀哉晏子曰一齊人傳之衆楚人咻之



子略卷一

子略卷二

老子注

高氏

似孫

續古

河上丈人

戰國時人

河上公

漢文帝時人

母丘望之

漢長陵三老又章句二卷

嚴遵

漢處士又指歸十一卷

王弼

又老子畧二卷

鍾會

羊祜

又解有釋

蜀才

孫登

晉尚書郎

汪尚

晉江州刺史

劉仲融

袁真

晉中郎將

張馮

曹道冲

盧景裕

陶弘景

陳臯

鍾植



李允愿

陳嗣古

惠琳僧

惠嚴僧

鳩摩羅休

義盈僧

程韶集注

任真子集注

張道相道士集三

梁曠品四道經經

偃松子

李納

李榮道士

辟問仁諤

傅奕

楊上善

吳善經又小解

李君愚

顧歡義疏一卷又

孟智周義疏五卷

韋處元義疏四卷

戴詵義疏九卷

趙志堅義疏四卷

王顧義疏四卷

江徵義疏十卷

賈青夷義疏四卷

梁武帝講疏四卷

何晏講疏四卷又

王重言言二卷

葛洪二卷

李元義疏七卷

韓莊元旨一卷

劉清卷譜

扶少明經道士譜二卷

陸希德四卷

杜光庭廣聖義三卷

賈大隱十子卷

元景先生簡要義五卷

陸修靜德經一卷

陳景先道士微二卷

崔少元子一卷

賈善頌傳三卷

何晏道德二論疏又

伏曰若斯人可與論天人之際矣因以所注為道德



二論又晏注老子未畢見弼自說注老子旨何意多  
所短不復得作聲但應喏喏遂不復注因作二論文  
章敘錄曰自儒者論以老子非聖人絕禮棄學晏說  
與聖人同著論行於世魏氏春秋曰弼論道約美不  
如晏自然出拔過之又曰晏少有異才善談易老

### 裴徽論老子

王輔嗣弱冠詣裴徽問曰夫無者誠萬物之所資  
聖人莫肯致言而老子申之無已何耶弼曰聖人體  
無無又不可以訓故言必及有老莊未免於有恒訓  
其所不足永嘉流人名曰徽字文季河東聞喜人太  
弼父爲尚書郎裴徽爲  
吏部郎徽見異之故問

### 老子

卦始於犧重於文王成於孔子天人之道極矣究  
事之始終合天地之運動吉凶悔吝禍福興衰亦陰  
陽之妙迭爲銷復有無相乘盈虛相盪此天地之用  
聖人之功也易有憂患此之云乎書紀事詩攷俗春  
秋以明道禮樂以稽政徃徃因其行事書以記之者  
也易之作極聖人之蘊奧而天下無遺思矣老子之  
學於道深矣反覆其辭鈎研其旨其造辭立用特欲  
出於天地範圍之表而道前古聖人之所未道者然  
而不出於有無相乘盈虛相盪之中所謂道者蓋犧  
皇之所繫周孔之所貫豈復有所增損哉六經之奈  
立經垂訓綱紀萬世老氏用心又將有得於六經之  
外非不欲返世真淳挈民清淨然善用之者蓋可爲



黃吳為唐虞其不善用之則兩晉齊梁之弊有不可  
勝言者此非言者之過也世之言老氏者往往以為  
其道出於虛無恬漠非道之實而病之其又偏矣木  
東公所謂尊孔氏者則黜老子尊老子者則黜孔氏  
柳宗元獨曰老子孔子之異流也不得以相抗何斯  
言之審且安也揚雄氏太玄則曰孔子文足者也老  
君玄足者也淵乎斯言

莊子法

向秀 二十卷

司馬彪 十六卷

郭象 十卷

李贖 十卷

崔譔 十卷

楊上善 十卷

盧藏用 十二卷

文如海 十卷

元英 道義疏十三卷又

張昭 十卷

梁簡文帝 講疏三卷

王元吉 集解二卷

李叔之 義疏三卷

張機 講疏二卷

王穆 義疏十卷

戴詵 義疏八卷

陸德明 文義句二十卷

周宏正 講疏八卷

梁曠 南華論三卷

馬廓 古本正義十卷

張隱 居指要三篇

李充 論二卷

賈參 通真論三卷

張游朝 南華岡象說十卷

元載 南華通微十卷

向秀 莊子解義

初注莊子者數十家莫能究其旨要向秀於舊注外



為解義妙析奇致大暢玄風秀別傳曰秀與嵇康  
傲世不羈安注放逸邁俗而秀雅好讀書咸曰此類  
復須注徒棄人作樂事耳及成以周子康曰爾書此  
復勝否安乃驚曰莊周不死矣後注周子康曰爾書此  
而與漢世諸儒互有彼此卒若隱無注絕倫也秀本  
聊隱崔譙所注以備遺忘云竹林七賢論云秀為此  
義讀之表有神德玄起然若已出塵埃而復始了視  
動競之人顧觀所徇皆恨然自外振技之情矣唯秋  
水至樂二篇未竟而秀卒秀子幼義遂零落然猶有  
別本郭象者為人薄行有雋才文士傳曰象字子玄  
道好學志老莊時人咸以為見秀義不傳於世遂  
竊以為已注乃自注秋水至樂二篇又易馬蹄一篇  
其餘衆篇或定點文字而已文士傳曰象作莊子後  
秀義別本出故今有由郭二莊其義一也

支道林莊子逍遙義

莊子逍遙篇舊是難處諸名賢所可鑽味而不能技  
理於郭向之外支道林在白馬寺中將馮太常共語  
樂人馮氏譜曰馮懷字祖思長因及逍遙支卓然標新理  
於二家之表立異義於衆賢之外皆是諸名賢尋味  
之所不得後遂用支理向子期上九尺鷄之起倫夫  
於小大雖差有任其性苟當其後逍遙耳唯聖人與物之  
若若同資有得其所待然後逍遙耳唯聖人與物之  
有而循不失其能無待而常通於大矣通而已道從  
論曰夫道以營生明至人曠之心也通於大矣通而已道從  
指鵬夫道以營生明至人曠之心也通於大矣通而已道從  
而笑遠物矜伐於心內至人乘天正而我得高玄感不窮  
於放浪物矜伐於心內至人乘天正而我得高玄感不窮  
不疾而速則道於所靡不於物則然有所以真道也若夫  
欲當其足則道於所靡不於物則然有所以真道也若夫  
渴者一盈豈忘於道乎此向絕郭之注醞未盡  
苟非至足豈忘於道乎此向絕郭之注醞未盡



晉人好言老莊

魏阮籍達莊論曰天道貴順地道貴靜聖人修之以建其名吉凶有分是非有經務利高勢惡死重生故天下安而大功成也今莊子周乃齊禍福而一死生以天地為一物以萬類為一指無乃繳惑以失真而自以為誠者也

殷仲堪精覈玄論人謂莫不研究殷乃嘆曰使我解

四本談不翅爾

用祇隆安記曰仲堪好學而有理思也

殷仲堪云三日不讀道德經便覺舌本間強晉安帝紀曰仲

能清言

庾子嵩讀莊子開卷一尺許便放去曰了不異人意

晉陽秋曰庾敬字子嵩穎川人時中世第一

嘗謂至理如此今見之正與人意暗同仕至豫州刺史

支道林許謝盛德共集王家

許王謝顧謂諸人今

日可謂彥會時既不可留此集固亦難常當共言詠以寫其懷許便問主人有莊子不正得漁

父一篇鱣子曰孔子遊乎緇丘之林休坐乎杏

者下船而來須眉交白被髮榆枋行原以招

陸而止左手據膝右手持頤以聽曲終而流

子貢曰服忠信行仁義節禮樂選人倫孔子之

所治也曰有上之君而求問之遂人則仁

矣恐不免其身上之君而求問之遂人則仁

病以誠謝看題便各使四坐適支道林先通作

七百許語敘致精麗才藻奇拔眾咸稱善於是四坐各言懷畢謝問曰卿等盡不皆曰今日之言少不自竭謝後粗難因自敘其意作萬餘語



才峯秀逸文序志曰安神情既自難干加意氣擬託蕭然自得四坐莫不厭心支謂謝曰君一往奔詣故復自佳耳

阮軍子有令聞太尉王夷甫見而問曰老莊與聖教同異對曰將無同太尉善其言辟之為椽世謂

三語椽名士傳曰阮脩字宣子

郭子玄有雋才能言老莊庾敞嘗稱之每日郭子玄

何必減庾子嵩名士傳曰郭象字子玄自黃門

一府散謂象曰卿自是當世大才我曠昔之意都已盡矣其伏理推心皆此類也

莊子

道德三千言辭繁旨謚澹然六經之外其用則易也莊周則不然浚滌沉潛若老於玄者而泓峥蕭瑟乃

欲起遙於老氏之表是以其說意空一塵僞儻駁無一毫蹈襲必仍之陋極天之荒窮人之僞放肆造演如長江長河衮衮灌注泛濫乎天下又如萬籟怒號澎湃汹涌聲沉影滅不可控搏率以荒恠詭誕狂肆虛眇不近人情之說警亂而自呼至於法度森嚴文辭雋健自作瓌新亦一代之奇才乎戰國多奇士荀卿之學有志斯世者也魯連之辯獨善其身者也寓言一書非深乎道者未易造此顧獨以滑稽發之士至於無所用其才而猶區區於矯拂世俗之弊者不亦慙慙乎方是時天下大壞蕩不可支攘奪爭凌概然一律其意思有以激之回之矯之夷之肆意無忌以放乎辭矯世之私曾不一二而亂天下之過特



不可免於中若其言託孔子以自致其過者二十有九章又言堯禹文王太公之事皆非詩書所見而竊快其無稽之論押聖侮道茲爲亦甚矣學者知之乎

列子

劉向論列子書穆王湯問之事迂誕悞詭非君子之言又觀穆王與化人游若清都紫微鈞天廣樂帝之所居夏革所言四海之外天地之表無極無盡傳記所書固有是事也人見其荒唐幻異固以爲誕然觀太史公史殊不傳列子如莊周所載許由務光之事漢去古未遠也許由務光往往可稽遷猶疑之所謂梁寇之說獨見於寓言耳遷於此詎得不致疑耶周之末篇敘墨翟禽滑釐慎到田駢闢尹之徒以及於

一而禦寇獨不在其列豈禦寇者其亦所謂鴻蒙缺者歟然則是書與莊子合者十七章其間尤有近迂僻者特出於後人會粹而成之耳至於西方之人有聖者焉不言而自信不化而自行此固有及於佛而世不疑之夫天壽之國紀于山海竺乾之師闡于柱史此楊文公之文也佛之爲教已見於是何待於此時乎然其可疑可怪者不在此也

文子

柳子厚以文子徐靈府注十二卷李由進訓注十二卷天寶中以文子爲通玄真經子爲老子弟子其辭指皆本之老子其傳曰老子弟子雖其辭指柳子厚以爲時有若可取蓋駁書也凡孟子數家皆入剽竊



文詞又牙相抵而不合人其損益之歟或聚斂以成其書歟乃為刊去謬亂頗發其意子厚所刊之書世不可見矣今觀其言曰神者知之淵神清則智明智者心之府智公則心平又曰上學以神聽之中學以心聽之下學以耳聽之又曰貴則觀其所舉富則觀其所欲貧則觀其所愛又曰人性欲平嗜欲害之此亦文字之一變也

子略卷二

子略卷三

戰國策

高氏

似孫

續古

班固稱太史公取戰國策楚漢春秋陸賈新語作史記三書者一經太史公採擇後之人遂以為天下奇書予惑焉每讀此書見其叢脞少倫同異錯出事或著於秦齊又復見於楚趙言辭謀議如出一人之口雖劉向校定卒不可正其淆駁會其統歸故是書之汨有不可而辨者况於楚漢春秋陸賈新語乎二書紀載殊無奇耳然則太史公獨何有取於此夫載戰國楚漢之事舍三書他無可攷者太史公所以加之採擇者曰此乎柳子厚嘗謂左氏國語其闕深傑異



固世之所耽嗜而不已也而其說多誣淫不繫於聖  
余懼世之學者惑其文采而論其是非作非國語昔  
讀是書殊以子厚言之或過矣反覆戰國策而後三  
嘆非國語之作其用意切用功深也予遂效此盡取  
戰國策與史記同異又與說苑新序雜見者各彙正  
之名曰戰國策考

管子

尹知章注三十卷  
作管子指畧二卷

古者盛衰之變甚可畏也先王之制其盛極於周后  
稷公劉大王王季末武成康周公之所以制周者非  
一人之力一日之勤經營之難積累之素况又有出  
於唐虞夏商之舊者及其衰也一夫之謀一時之利  
足以銷靡破鑿變徙剝蝕而迄無餘脉吁一何易耶

九合之力一霸之圖於齊何有也使天下一於兵而  
忘其為農天下一於利而忘其為義孰非利也而乃  
攻之以貪騁之以詐孰非兵也而乃趨之以便行之  
以一切先王之所以經制天下者煙散風靡無一可  
傳嗚呼仲其不仁者哉而况井田既壞槩量既立而  
商鞅之毒益滋矣封建既隳詩書既燦而李斯之禍  
益慘矣索誰之咎耶漢唐之君貪功苟利兵窮而用  
之無法民削而誅之無度又有出於管仲鞅斯之所  
不為者豈無一士之智一議之精區區有心於復古  
者而卒不復可行蓋三代之法其壞而掃地久矣壞  
三代之法其一出於管仲乎劉邵之志人物也曰管  
仲曰商鞅皆以隸之法家李德裕以邵之索隱精微



研幾玄妙實天下奇才至以管仲與商鞅俱人物之  
品徃徃不倫德裕顧未嘗熟讀其書耳邵所謂皆出  
於法者其至論歟孔子曰齊一變至於魯魯一變至  
於道使齊盡變其功利之習僅庶幾於魯耳然則安  
得而變哉聖人非有志於變齊也古之不可復也為  
可嘆耳

尹文子

班固藝文志名家者流錄尹文子其書言大道又言  
各分又言仁義禮樂又言法術權勢夫略則學老氏  
而雜申韓也其曰民不畏死由過於刑罰者也刑罰  
中則民畏死畏死則知生之可樂知生之可樂故可  
以死懼之此有希於老氏者也又有不變之法曰等

之法理衆之法平準之法此有合於申韓然則其學  
雜矣其學淆矣非統乎道者也仲長統為之序以子  
學於公孫龍按龍客于平原君趙惠文王時人也齊  
宣王死下距趙王之立四十餘年則子之先於公孫  
龍為甚明非學乎此者也晁氏嘗稱其宗六藝數稱  
仲尼孰攷其書未見所以稱仲尼宗六藝者僅稱誅  
少正卯一事耳嗚呼士之生於春秋戰國之間其所  
以熏蒸染習變幻捭闔求騁於一時而圖其所大欲  
者徃徃一律而同歸其能屹立中流一掃群異學必  
孔氏言必六經者孟子一人而已

韓非子

士生戰國才不一伸抱智懷謀其求售殊切切亦可



子墨子  
三  
憐也商鞅以法治秦李斯又以法治秦秦之立國一出於刑罰法律而士以求合者非此不可始皇一見韓非之書喟然嘆曰寡人得見斯人與之游死不恨矣始皇所以倦倦於非者必有所契者今讀其書往往尚法以神其用薄仁義厲刑名背詩書課名實心術辭旨皆商鞅李斯治秦之法而非又欲凌跨之此始皇之所投合而李斯之所忌者非迄坐是為斯所殺而秦即以亡固不待始皇之用其言也說難一篇殊為切於事情者惟其切之於求售是以先為之說而後說於人亦庶幾萬一焉耳太史公以其說之難也固嘗悲之太史公之所以悲之者抑亦有所感慨焉而後發歟嗚呼士生不遇視時以趨使其盡遇

無足道而况說難孤憤之作有如非之不遇者乎抑  
惟氏曰秦之士賤而拘信哉

墨子

韓非子謂墨子死有相里氏之墨相芬氏之墨鄧陵氏之墨孔墨之後儒分為八墨離為三其為說異矣墨子稱堯曰采椽不斷茅茨不剪稱周曰嚴父配天宗祀文王又引若保赤子發罪惟均出於康誥秦誓篇固若依於經據於禮者孟子方排之不遺一力蓋聞之夫子曰惡似而非者惡莠恐其亂苗也惡鄭聲恐其亂雅也惡紫恐其亂朱也惡鄉原恐其亂德也墨之為書一切如莊周如申商如韓非惠施之徒雖不闢可也唯其言近乎譎行近乎誣使天下後世人



盡信其說其害有不可勝言者是不可不加闢也嗚呼孟子之學一於羽翼群經推尊聖人者歟異時有纏手者脩墨子之業唯曰勸善兼愛墨子重之嗚呼學墨子者豈學此乎

鄧析子

劉向曰非子產殺鄧析推春秋驗之按左氏魯定公八年鄭駟鞅嗣子太叔爲政明年殺鄧析而用其竹刑君子謂鞅嗣於是爲不忠攷其行事固莫能詳觀其立言其曰天於人無厚君於民無厚又曰勢者君之與威者君之策其意義蓋有出於申韓之學者矣班固藝文志乃列之名家列子固嘗言其無所可之說設無窮之辭數難子產之治而子產誅之甚明

左氏異矣荀子又言其不法先王不是禮義察而不惠辯而無用則亦流於申韓矣夫傳者乃曰鞅殺鄧析是爲不忠鄭以衰弱夫鄭之所以爲國者有若禪讓草創之世叔討論之東里子產潤色之庶幾於古矣子產之告太叔曰有德者能以寬服人其次莫如猛子產惠人也固已不純乎德他何足論哉不止竹刑之施而民懼且駭也嗚呼春秋以來列國綦錯不以利勝則以威行與其民揉輔於爭抗侵凌之域豈復知所謂仁漸義摩者其民苦矣固有惠而不知爲政者豈不賢於以薄爲度以威爲神乎析之見殺雖獄之過亦鄭之福也

亢桑子



孔子曰上有好者下有甚焉亢桑子之謂歟開元天寶間天子方鄉道家者流之說尊老氏表莊列皇皇乎清虛冲澹之風矣又以亢桑子號洞靈真經上既不知其人之僊否又不識其書之可經一旦表而出之固未始有此書也襄陽處士王褒來獻其書書褒所作也按漢略隋志皆無此書褒之作也亦思所以趨世好迎上意耶今讀此編徃徃采諸列子文子又采諸呂氏春秋新序說苑又時采諸戴氏禮源流不一徃徃論殊而辭異可謂雜而不純濫而不實者矣太史公作莊周列傳固嘗言其語空而無實而柳宗元又以爲空言之尤皆足知其人決其書然柳氏所見必是王褒所作者

鷓冠子

春秋戰國間人才之偉且多有不可勝者不得其時不得其位不得其志退而藏之山谷林莽之間無所泄其謀慮智勇大抵見之論落然其經營馳騁天下之志未始一日忘而其志亦可窺見其萬一者矣是以功名之念有以怵其心利害之機有以蕩其慮而特立獨行之操不足以盡洗見聞之陋也是其爲書不出於黃老則雜於刑名是蓋非一鷓冠子而已也柳子厚讀賈誼鵬賦嘉其詞而學者以爲盡出鷓冠子得其書讀之殊爲鄙淺唯誼所引用者爲甚美餘無可言者列僊傳曰鷓冠子楚人隱居衣弊履穿以鷓爲冠莫測其名著書言道家事則蓋出於黃老矣



其書有曰小人事其君務蔽其明塞其聰乘其威以  
灼熱天下天高而難追有福不可請有禍不可違其  
言如此是蓋未能忘情於斯世者至曰鳳鳥陽之精  
麒麟陰之精萬民者德之精嗚呼亦神矣

孫子

昭文章明貴賤辨等列順少長魯兵也不重傷不禽  
二毛不以阻隘明恥教戰宋兵也少長有禮八節和  
睦晉兵也制國作政以寄軍令齊兵也僕三千人有  
紀有綱秦兵也伐晉之舉喪乃止焉楚兵也周衰制  
隳法蕩政不克綱強弱相凌一趨於武侈兵國弱干  
戈相尋甚可畏也其間謀帥行師命意立制猶知為  
禮信尚訓齊庶幾三代仁義之萬一焉耳殊未至於

毒也兵流於毒始於孫武乎武稱雄於言兵往往舍  
正而鑿奇背義而依詐凡其言議反覆奇妄無常智  
術相高氣驅力奮故詩書所述韜匱所傳至此皆索  
然無餘澤矣先儒曰無以學術殺天下後世是猶言  
學者也吳越交兵勝負未決武居其間豈無所以為  
強吳勝越者二十年間閭廬既以戰死夫差旋喪其  
國方是時武之術不行於他國特見信於吳而武之  
言兵亦知為吳計而已成敗興亡易如反掌固無待  
於殺天下後世兵其可以智用歟

吳子

自有春秋而天下口窮於兵孫武以言兵進於吳吳  
起以言兵售於魏各以書名家然讀吳子其說蓋其



孫武截然其不相侔也起之書幾乎正武之書一乎  
竒起之書尚礼義明教訓或有得於司馬法者武則  
一切戰國馳騁戰爭也謀逞詐之行耳武侯浮西  
下中流喟然嘆曰美哉山河之固山之寶也起言之  
曰在德不在險德之不修舟中之人不敵國也斯言  
之善質於經求之古奚也馬反覆此已則所教在礼  
所貴在礼夫以湯武仁古不之建誠有間求之於齊  
魯晉行秦楚之論兵者起庶幾乎武侯賢矣聽起者  
馬矣君臣之遇不為不厚矣不問一生棄如散飛大  
名志業迄不一就士之思古安得不之息於斯若其  
當新惟之因輔未壯之君馭不附之大臣臨未信之  
百姓而乃明法審令之踈遠之公族指不急之庶官

持意太過操制太嚴是所以速禍耳起乃踈於此即

范子

范子之事不亦竒乎蠡相越王勾踐深謀隱篋者一  
十二年迄與亡大雪越恥勾踐 蠡上將軍蠡即  
日上善勾踐高舟五湖閔然無聲又浮海入齊變姓  
名鴟夷子皮父子治貨數十萬齊聞之延為相有頃  
上相印盡散其所獨懷重寶行次乎陶天下稱陶  
朱公嗚呼智哉唐王績詩范蠡何智哉單舟戒輕裝  
與吾言合節蠡方居齊以書做大夫種曰鷺鳥盡良  
弓藏狡兔死走狗烹王長頸可共患難不可共樂合  
亟圖之嗚呼此非蠡之言計然之言也初有計然者  
遨遊海澤自稱漁父蠡有請曰先生有陰德願令



社稷長保血食計然曰越王烏不可同利彘之  
智其有決於此乎此編卷十有二往往極陰陽之變  
窮尸數之微其言之妙者有曰人之變如水隨形  
蠶之所以俟時而動見幾而作其亦有得手此計  
然濮上人姓章名文子其先晉公子也

鬼谷子

隋志 鬼谷先生

樂一

戰國之事危矣士有挾雋異豪傑之氣求騁乎用其  
應對酬酢變詐激昂以自放於文章見於顛挾險怪  
離合揣摩者其辭又極矣鬼谷子書其智謀其數術  
其變譎其辭談蓋出於戰國諸人之表夫一聞一  
易之神也一翕一張老氏之幾也鬼谷之術往往有  
闔闢翕張之外神而明之益至於自

不可禦予嘗觀諸陰符矣窮天之用賊人之私而陰  
謀詭祕有金匱韜略之所不可該者而鬼谷盡得而  
泄之其亦一代之雄乎按劉向班固錄書無鬼谷子  
隋志始有之列於縱橫家唐志以為蘇秦之書然蘇  
秦所記以為周時有豪士隱者居鬼谷自號鬼谷先  
生無鄉里族姓名字今攷其言有曰世無常責事無  
常師又曰人動我靜人言我聽知性則寡累知命則  
不憂凡此之類其為辭亦卓然矣至若盛神養志諸  
篇所謂中稽道德之祖散入神明之曠者不亦幾乎  
郭璞登樓賦有曰揖首陽之二老招鬼谷之隱士又  
遊僊詩曰青溪千餘仞中有一道士借問此何誰云  
是鬼谷子可謂慨想其人矣徐廣曰潁川陽城有鬼



谷注其書者樂臺皇甫謐陶弘景尹知章知章

子略卷三

子略卷四

呂氏春秋

高氏

似孫

續古

淮南王尚奇謀募奇士廬館一開天下雋絕馳騁之  
流無不雷奮雲集蜂議橫起瓌詭作新可謂一時傑  
出之作矣及觀呂氏春秋則淮南王書殆出於此者  
乎不韋相秦蓋始皇之政也始皇不好士不韋則徠  
英茂聚畷豪簪履充庭至以千計始皇甚惡書也不  
韋乃極簡冊攻筆墨采精錄異成一家言吁不韋何  
為若此者也不亦異乎春秋之言曰十里之間耳不  
能聞帷墻之外目不能見三畝之間心不能知而欲  
東至開悟南撫多鷄西服壽靡北懷靡耳何以得哉



四經此所以譏始皇也始皇顧不察哉軒以此書暴  
之咸陽門曰有能損益一字者與千金人卒無一敢  
易者是亦愚黔之甚矣秦之士其賤若此可不哀哉  
雖然是不特人可愚也雖始皇亦爲之愚矣異時亡  
秦者又能屠沽負販不一知書之人嗚呼

黃石公素書

梁肅圯橋石表曰黃帝氏方平蚩尤時乃亥女啓符  
風布行誅漢祖方征秦項時乃黃石授兵留侯演成  
易稱人謀鬼謀百姓與能又曰神道設教而天下服  
蓋謂是矣東坡以爲子房授書於圯上老人其事其  
怪安知非秦之世有隱君子者出而試之世不察以  
爲鬼物亦已過矣子房以蓋世之才不爲伊尹太公

之謀而特出於荆軻聶政之計以僥倖於不死此圯  
上老人之所深惜老人者以爲子房才有餘而憂其  
度量之不足故深折其少年剛銳之氣使之忍小忿  
而就大謀高祖之所以勝項籍之所以敗在能忍與  
不能忍之間耳項籍惟不能忍是以百戰百勝而輕  
用其鋒高祖忍之養其全鋒而待其弊豈出於張良  
者乎按黃石公又有三略三卷兵書三卷三奇法一  
卷陰謀軍祕一卷五壘圖一卷內記敵法一卷祕經  
一卷記一卷又有張良經一卷其出於三略素書者  
乎

淮南子

少愛讀楚辭淮南小山篇聲峻瓌磊他人制作不可



企攀者又慕其離騷有傳窈窕多思致每曰淮南天下奇才也又讀其書二十篇篇中文章無所不有如與莊列呂氏春秋韓非子諸篇相經緯表裏何其意之雜出文之汭複也淮南之奇出於離騷淮南之放得於莊列淮南之議論錯於不韋之流其精好者又如玉杯繁露之書是又非獨出於淮南所謂蘇飛李尚左異田由雷被毛被伍被大山小山諸人各以才智辯謀出奇馳雋所以其書駁然不壹雖然淮南一時所延蓋又非止蘇飛之流也當是時孝武皇帝雋銳好奇蓋又有甚於淮南內篇一陳與帝心合內少君下王母聘方士搜蓬萊神僊譎恠日日作新其有感於淮南所謂崑崙增城璇室懸圃弱水流沙者乎

韓雖不僊猶饗多壽王何爲者卒不克終士之誤人一至于此然其文字殊多新特士之厭常玩俗者往往愛其書况其推測物理探索陰陽大有卓然出人意表者唯揚雄氏曰淮南說之用不如太史公之用太史公之用聖人將有取焉淮南鮮取焉耳悲夫

賈誼新書

養氣之學孟子一人而已士之有所激而奮者極天地古今之變動山川草木之情狀人物智愚賢否是非邪正之銷長有觸於吾心有干於吾氣慮遠而志善事切而憂深其言往往出於危激哀傷之餘而其氣有不可過者舉天地今古山川草木人物盛衰之變皆不足以敵之嗚呼此屈原賈誼之所爲者乎皮



日休讀賈誼新書嘆其心切其憤深其辭隱而麗其  
 藻傷而雅唯蘇公軾以為非才之難所以自用者實  
 難惜乎賈生王者之佐而不能自用其才論亦奇矣  
 以余觀之雖東坡亦不能自用其才况賈生乎又曰  
 觀計湘作賦以吊屈原紆鬱憤悶趨然有遠舉之  
 志魯後卒以自傷哭泣至于天絕是亦不善處窮者  
 夫謀之一不見用安知終不復用嗚呼此東坡以志  
 量才識論誼者非誼之所及也是蓋孟子之所謂持  
 其志無暴其氣者耳蘇公有之

桓寬鹽鐵論

鹽鐵論者漢始元六年公卿賢良文學所與共議者  
 也漢制近古莫古乎議國有大事詔公卿列侯二千

石博士議郎雜議是以廟祀議伐匈奴議捐朱崖而  
 石渠論經亦有議皆所謂詢謀僉同者也初武帝以  
 師旅之餘國用不足縣官悉自賣鹽鐵酤酒海內虛  
 耗戶口減半帝務本抑末不與天下爭利乃詔有司  
 問郡國所舉賢良文學民所疾苦議罷之班氏一贊  
 專美乎此顏師古曰元帝紀贊班彪所作然觀一時論議其所問對  
 非不伸異見騁異辭亦無有犖然大過人者其曰行  
 遠者因於車濟海者因於舟成名者因於資則一時  
 趣尚可乎矣又曰九層之臺傾公輸子不能正大朝  
 一邪伊望不能復則一時事體可知矣夫上有樂聞  
 下無隱議得失明者其言達利害決者其慮輕不決  
 一言何取群議審此亦足以占士氣觀國勢矣然元



帝詔書乃曰公卿大夫好惡不同雅說空進而事亡成功此誠言也天下後世同此患也吁

王充論衡

論衡者後漢治中王充所論著也書八十五篇二十餘萬言其為言皆敘天證敷人事析物類道古今大略如仲舒玉杯繁露而其文詳詳則理義莫能覈而精辭莫能肅而括幾於蕪且雜矣漢承滅學之後文景武宣以來所以崇厲表章者非一日之力矣故學者嚮風承宣日趨於大雅多聞之習凡所撰錄日益而歲有加至後漢盛矣往往規度如一律體裁如一家是足以雋美於一時而不足以準的於來世何則事之鮮純言之少擇也劉向新序說苑奇矣亦復少

探索之工闕詮定之密其敘事有與史背者不一二書尚爾况他書乎袁宏後漢書云充作論衡中二未

太元經注

宋衷

陸績

蔡文邵

虞翻

范望

章察講疏四十六卷

王涯又有說一卷

宋惟幹



林瑀又有說

杜元穎

郭元亨

陳漸

范諤昌

林共圖一卷

王長文晉通元

太元經

易可準乎曰難矣何為其難也曰天地人之理混淪於未畫之前二三聖人察天之微窺地之奧以神明夫人之用文王因伏羲孔子因義文而易道極矣末主非舍伏羲孔子非舍義文而自為之書也易經三聖以經天地人之道是道也吉凶悔吝消息盈虛雖天地鬼神無所載其蘊而匹夫匹婦可與知者也楊雄氏欲以一人之力而規三聖所成之功是為難乎

子雲豈不知此者然則子雲亦有得於易之學而欲自神其用其曰天以不見為玄地以不形為玄人以腹心為玄此子雲之所以神者也子雲之意其疾莽而作者乎東平失道莽輒亂常子雲酌天時行運盈縮消長之數推人事進退存亡成敗之端存之於玄三方象三公九州象九卿二十七家象大夫八十一部象元士而玄者君象也總而治之起牛宿之一度終牛宿之二十二度而成八十一首七百二十九贊二萬六千二百四十四策明天人終始逆順之理正君臣上下去就之分順之者吉逆之者凶以為違天拂人賊臣盜國之戒子雲之意也子雲敢以此準易言者蓋以卦氣起于中孚震離兌坎分配四方六



十四卦各主六日七分以周一歲三百六十五日四分日之一據此言之室矣桓譚曰玄與大易準班固曰經莫大乎易故作太玄是知子雲者乎不知子雲者乎

新序說苑

河間王大雅文獻蔚然風流崇經尚文殫極禮樂而所尚醇正言議彬彬何其雍容不群如此也三代以下一人而已抑其時所遭者然歟磐石之宗莫可及之者向以區區宗臣老於文學窮經之苦岨出諸儒炯炯丹心在漢社稷奏篇每上無言不危吁亦非以其遭時遇主者如是歟先秦古書甫脫燼劫一入而筆采擷不遺至其正紀綱迪教化辨邪正黜異端以

此者盡在此書茲說苑新序之旨也嗚呼自  
以之書誠切切矣漢之政日益萎靡而不振  
人亂而後已一杯水不足以救涸漸之火此  
言歟觀此則而之抱忠懷誼固有可憐者焉視河  
間之雅正不迫亦一時歟

抱朴子

自陰符一鑿而天地之幾盡洩玄經一吐而陰陽之  
妙益空所謂道者非他只天地之奧陰陽之神而已  
神而明之可以贊化育經範圍可以治國平天下可  
以修身養性而致長年可以清淨輕虛而與之俱化  
予自少感於方外之談凡丹經卦義祕笈幽篇以至  
吐納之香餐鍊之粹沉潛啓策幾數百家靡不竭其



精而顯其隱破其疑而造乎中猶未以為得也於是  
棄去以攻易日讀際以所謂天地之幾陰陽之妙相  
與聖齋之甄治之而吾之道盡在是矣所謂吾之道  
者非他道也吾自得之道矣及間觀稚川弘景諸人  
所錄及內外篇則徃徃皆糟粕而筌蹄矣今輒書此  
以斷內外篇則吾之道亦幾於擊直吐矣後之悟者  
必有會於吾言

文中子

道始於伏羲終於孔子孔子以來二千餘年矣孟軻  
氏楊雄氏王通氏韓愈氏皆祖述孔子而師尊之若  
通拳拳於六經之學自孟子而下未有也續書以政  
漢晉之事續詩以觀六代之俗修元經以斷南此之

疑易止於讚禮樂止於論嗚呼通之用心足以知聖  
人矣世率以是疵王氏是始未知其所以知聖人者  
乎善乎曰休皮氏之言曰禮之篇二十有五詩之篇  
三百六十元經之篇三十一易之篇七十孟子能踵  
孔子而贊其道復乎千世可繼孟子者通也按杜執  
禮所作文中子世家又有樂論三十篇讀書一百五  
十篇元經凡五十篇蓋受書於東海李育學詩於會  
稽夏璜問禮於河東開子明正樂於地乎霍汲攷樂  
父仲華聖人之大旨天下之能事至是畢矣陸  
之謂之王氏六經嗚呼蓋自孟子歷兩漢數  
僅稱楊雄歷六朝數百年而僅稱王通歷唐  
而唯一韓愈六經之學其著



匪難乎異時房衛諸公共恢文武以濟貞觀之盛亦天命也此蓋出於司空表聖之言其尚知道乎

元子

元子曰人之毒於鄉毒於國毒於鳥獸草木不如毒其形毒其命人之媚於時媚於君媚於朋友郡縣不如媚於廐媚於室人之貪於權貪於位貪於取求聚積不如貪於道貪於閑靜人之忍於毒忍於媚忍於詐忍貪溺不如忍於貧苦忍於棄廢英哉斯言次平生辭章奇古峻絕不蹈言古今其觀柳柳州抑文英啞唐代文人惟二公而已猶有一說頌者所以美盛德之形容也如江漢諸詩所以寫宣王中興之美者皆系之雅唐既中興而磨崖一碑乃以頌稱度郎

豈不能致思乎此耶初結居商餘山著書其序謂天寶九年庚寅至十二年癸巳一萬六千五百九十五言分十卷是蓋有意存焉卷首有元氏家錄紀其世次

皮子隱書

皮日休隱書六十篇有曰古之用賢也為國今之用賢也為家又曰古之官人也以天下為己累故已憂之今之官人也以己為天下累故人憂之又曰古之隱也志在其中今之隱者爵在其中又曰古之決獄得民情也哀今之決獄得民情也喜古之殺人也怒今之殺人也笑嗚呼斯言也痛快哉



子略卷四

*[Faded vertical text columns, likely bleed-through from the reverse side of the page]*

騷略目

卷一

九懷

蒼梧帝 湘夫人

思禹 湘君

越王臺 東皇太一

鴟夷子皮 雲中君

浙水府 小司命

秦遊 東君

江夫人 大司命

東山 河伯

嶠山雨 山鬼

山中楚辭 六

款乃辭

後款乃辭

卷二

嶠臺神絃曲 二

花飛引



蓬萊遊二

秋蘭辭少司命

小山叢桂

章華宮對

朝丹霞

幽蘭賦

卷三

水僊花前賦

水僊花後賦

松江蟹舍賦

後長門賦

讀易賦

秋蘭賦

騷略目

卷一

高氏似孫續古

惟騷不可學可學者章句也不可學者志也楚山川  
 奇草木奇原更奇原人高志高文又高一發乎詞與  
 詩三百五文同志同後之人必規襲武摹倣制作言  
 卑氣嫚志鬱弗舒無復古人萬一武帝詔漢文章士  
 修楚辭大山小山竟不一企况騷乎嗚呼詩亡矣春  
 秋不作矣騷亦不可再矣獨不能忘情於騷者非以  
 原可悲也獨恨失騷不及一遇夫子耳使騷在刪詩  
 時聖人能遺之乎嗚呼余固不能窺原作猶或知原  
 志者輒抱微款妄意抒辭題曰騷略越山川曾識舜  
 禹作蒼梧帝作思馬又經句踐君臣作越王臺作鳴



夷子皮吳爲越所滅失於棄胥也作浙水府始里東  
游以功被石作秦游王謝諸人殊鍾情於越迄爲蒼  
生一起作東山其以德著于睨祠者侑之歌作江夫  
人作嶠山爾命之曰九懷嗚呼後之視今今之視昔  
也知我者騷乎

九懷

望九疑兮雲雨心慘慘兮思君冉冉兮愁痕楚波深  
兮斑竹活歷差峩兮極眺訊遐心兮誰將蛟何躍兮  
衝波鴻何驚兮離網湘有蘋兮渚有荃欲將誠兮無  
能宣蒼莽兮何之孰亮余兮嬖娟羽何音兮鏘鏘鳳  
何儀兮濟濟朝騰余軻兮梧陰夕娛兮清澧蹇躊躇  
兮自喜邈清川兮如洗植館兮雲中樹之兮石磊磊

貝闕兮鱗堂雜青楓兮始霜芷路兮蘅薄桂飛檠兮  
蘭房相芰荷兮可衣美秋菊兮曾糧瑤華兮在席江  
有離兮吐芳被薜兮帶蘿表之兮以蘭香彙衆卉兮  
揚徽貯芳辛兮同薰哀絃切兮入雲靈來下兮續紛  
捐余璫兮中流遺余玦兮北渚儼奉君兮嘉薦乃遺  
余兮芳杜時契濶兮難再聊歌風兮自語

蒼梧帝 湘夫人

攬九州兮余憂民將魚兮誰瘳水受令兮安流交芄  
芄兮方秋老帝力兮茫茫射神魚兮飛舟朝帝君兮  
不下莽故疆兮生埃踏蒼龍兮倏束棲靈游兮故宮  
擢桂棟兮蘭房蕙幃兮荃床翳殘書兮罇鬢杳空山  
兮神揚神揚兮何極有人來兮爲之太息濕剌石兮



酒寒隱懷君兮傷惻蓀橈兮桂楫海若兮獻月采水  
碧兮紫淵弄蠙珠兮冰穴無一芳兮可酬心難吐兮  
猶咽砥柱兮湯湯龍門兮阻長事難古兮悲傷迹蒼  
莽兮蹇余以何往朝欲逝兮河津夕濯衣兮西淑花  
張兮披惡魚鬪兮雲舞沐余冠兮蹉蹉濯予璫兮楚  
楚靈心憚兮來下乃遺余兮芳杜玩芳杜兮三嗅時  
不來兮孰與

思禹 湘君

草長兮菲菲越山青兮霏微玉在珮兮欲語望故宮  
兮如歸酒潤兮猶香優流光兮庭幃芳俎進兮蘭藉  
玉鱗寒兮牲肥靈翔兮醉只笙噓雲兮霑衣鼓瑟兮  
兮無留月共載兮依依樂莫樂兮知幾哀莫哀兮

離鷓鴣愁兮忘飛

越王臺東皇大一

江欲冷兮丹楓月將缺兮初鴻天如仄兮沉波楫有  
聲兮追風易莫易兮謀功難莫難兮圖終東山兮誰  
作若斯人兮猶窮水下鷺兮溶溶山插雲兮叢叢叫  
夫君兮不聞拊遺整兮如空君不來兮誰晤余心憂  
兮冲冲

鳴夷子皮雲中君

越山兮青青江波兮噴薄萬里兮長風引驚瀾兮去  
之夫君兮以淵為期水何為兮勞苦越山兮升雲江  
水兮未平舉酒兮訊君將與余兮心傾若有人兮颺  
雲旗舞神魚兮踏文螭奏水星兮叫冰夷橫壯氣兮



海為飛麋臺兮生草言知毛兮人呆呆夕宿兮江臯  
越兵西兮如拉搞一沐浴兮九江水揚波兮淙淙飛  
余橈兮鴈渚舍余璫兮漁江望美人兮未來心不怡  
兮難降有酒兮如冰呼膾具兮魚龍腥澆磊塊兮洗  
磅礴有老父兮愁偏醒

浙水府小司命

君之來兮鞭朝令冰爽兮毋驕撫余車兮安驅海難  
填兮魂銷龍翼輶兮既東旗翠昏兮生埃蛟抗刃兮  
波赤嘖霧光兮蓬萊樂莫樂兮佳游哀莫哀兮忘歸  
簫鍾兮鏡鼓吳歌兮楚舞魚飛兮鴈奔君之樂兮僕  
僕憇蹕兮差我陳席兮楚楚撰德兮蒼崖秦誇聲兮  
蒙詡駢雜逦兮鑿玲瓏窮禹迹兮窺踐宮民如饜兮

誰能聰海水作兮糖魚龍歡未殫兮樂未終金母號  
兮漢旌紅

秦遊東君

江与兮青山水既去兮復還引微風兮無瀾擢桂槳  
兮閑閑望美人兮來下靈翩翩兮從女劈中流兮揚  
舩鴈邕邕兮遵渚玉衣兮畫裳御清氣兮前青鳳穆  
川后兮靜波湘君遺兮蘭芳行貞兮昭昭璫明兮玉  
娟天門兮為開萬夫哀兮惟女賢翠帷下兮沉沉花  
飲露兮陰陰素鱗寒兮不動寄風瑟兮瑤音涉江兮  
木蘋剪綃兮蠲塵奉瑤華兮結辭靈不見兮愁六愁  
人兮柰何目眇眇兮微波路杳靄兮脩長其柰何兮  
夕歌



江夫人大司命

若有人兮山阿樂莫樂兮在適繫余珮兮有蘭愜余  
裳兮有蘿凌八荒兮騁望悵山河兮悲壯倒天漢兮  
濯江淮眇風雲兮晤懷竹樹兮冥蒙海月兮臃臃君  
何為兮山中鴻奔南兮逼輕舟歌聞天兮擊中流氣  
浩浩兮橫九州山冉冉兮生雨水汪汪兮迷浦鳩一  
叫兮花愁期美人兮春渚

東山河伯

砥蒼崖兮燕危磐枕淵回兮夏留寒谷懷煙兮川引  
霧出漁鄉兮入樵路屋如懸兮石將危蕩蘭舟兮揚  
桂旗江有蘼兮溪有蓀沙一抹兮雲垂垂未宜雨兮  
飄宜風香在鑪兮各為功村醪熟兮春無度水羞香

兮雪登頰晴陰節兮花亂飛老漁歌兮野巫舞  
兮憺忘歸人無忘兮雨而雨維余舟兮款神關石  
精鑿兮蘿漫漫帷之褰兮風轟急石可憇兮苔痕斑  
潭中人兮夜漁急神魚舞兮陰妃泣報靈君兮千罟  
集水如練兮月冥冥若有絃兮作湘聲舟欲去兮且  
復留耿不寐兮空隱憂

嶠山雨 山鬼

山中楚辭

山中可樂不可說也既釐越一壑多種草  
木多釀酒日與客游不知日之夕西時之  
老也乃輯歌語為山中楚辭



山如罨兮栖柔煙鳥徘徊兮翠如褰蔭松栢兮牽丹  
泉猿在上兮鶴在前拍浮丘兮延偃佺話坎離兮生  
坤乾問山月兮今何年月得道兮玄之玄

二

月澄午兮收雲嚼鮮兮予酒朝列宿兮將舉烟其  
北兮惟斗斡四令兮無情活元氣兮眴眴一壘兮上  
訴思超凡兮辭垢

三

穆東皇兮受命樂山中兮俱春風引樹兮欣欣雨生  
波兮粼粼天有心兮康予朝復朝兮趨新春空勞兮  
又去山青青兮予親

四

若古兮多奇御夏兮高明寒千山兮在下石吐泉兮  
泠泠采新果兮半熟被踈絺兮全輕非老子兮孰悟  
亦晉人兮予盟風來南兮洗琴碁落落兮爭聲心有  
官兮自玉天相知兮同醒

五

桂樹兮團欒籬菊兮可采石磊磊兮泐荔鴈嗷嗷兮  
離騷人心悽兮易涼時令遷兮誰緯攬古昔兮自悵  
視彭殤兮何待吁嗟秋兮不以悲而能輕不以愁而  
爲息若得意兮騷者酒淋騷兮如海

六

木藪藪兮皆冬汎山林兮迎雪匠此妙兮磅礴信天  
人兮豪傑當是時鴈分黯淡之雲花弄扶踈之月酒



涉雋兮少對詩造微兮自悅天山兮誰饒蔡州兮誰  
決眇斯人兮毋作雪霏霏兮空潔

欸乃辭

客有遺王右丞捕魚圖者愛其風景蕭遠  
漁事安閑無一毫較利競名之意切慕其  
趣樂其高為之歌曰欸乃辭

帝子降兮北渚日眇眇兮愁予嫋嫋兮秋風洞庭波  
兮木葉下揭揭兮寒飈濺濺兮輕舫有鶉兮在梁鴻  
何為兮離網白蘋深兮騁望水之清兮濯纓翁不語  
兮嗔偏醒欸乃一聲兮天水淥

後欸乃辭

柳子厚漁翁詩蕭蕭湘君湘夫人清風不

可以筆墨機緘索也世人論次楚辭乃以  
天對晉對推之知者淺矣因掇杜公句伴  
漁翁詩為後欸乃辭嗟嘆之不足也

洞庭瀟湘白雪中中有雲氣隨飛龍漁父天寒網罟  
凍山木盡亞洪濤風又歌曰漁翁暝踏孤舟立滄浪  
水深青冥濶不見湘妃鼓瑟時至今斑竹臨江活又  
歌曰漁翁夜傍西巖宿曉汲清湘燃楚竹煙銷日出  
不見人欸乃一聲山水淥

騷略卷一



騷略卷二

嶠臺神絃曲

高氏似孫續古

神絃曲出於唐媿靈游也嶠臺介剡山  
 水間神境竒拔中抱霖雨時庸濯靈似  
 甲戌春奉先公綽車過臺下酌江  
 有祈風反須臾一帆脫矢直擣山步灘  
 磧不驚神光赫流肇敏桴鼓乃依楚辭  
 章句度迎神送神辭刻諸山中用毋忘  
 英造

迅雙槳兮刊中流風與力兮飄無留瞥逝鴻兮呵慵  
 蚪芷泣香兮木鳴樛宛有人兮山之幽翠剪字兮旌



柔柔朝陽澁兮夕陰洲月不動兮雪霜浮期靈君兮  
一徠游虛谷應兮寒颼颼酒可醺兮蘋可羞靈不鄙  
兮攄吾愁

二

水清清兮石鑿鑿浪攻崖兮風洗壑天飛涼兮衆木  
作元氣湧兮魚龍惡若有人兮老叢嶸跨黃羅兮度  
蘅帷夕鴻溟兮曉名嶽懷霖雨兮時電霄靈來娛兮  
瑟蘭勺水光開兮煙罷漠律予辭兮徵眇邈林劃嘯  
兮靈歟樂

花飛引

蘇楚自廬山來與予同在山中數月酒  
必酒詩必詩予平生友如楚者不一二

數其去也各灑淚花竹間不勝依依乃  
書此送之西

花少思兮離離企佳人兮不來風嫋嫋兮吹愁綠滿  
樹兮香在苔鳩哀兮山裂芳菲兮今歇杳新知兮誰  
悅期佳人兮柰何別

蓬萊遊

植臺松桂杉篁之表翠樾如圍一塵不  
汨字以蓬萊遊而有其辭

綠連霧兮窈窕翠生香兮輕浮花得道兮無妍鳥涉  
僊兮何愁心太平兮太平功如水兮先秋喬松來兮  
樂去聲余蓬萊樂兮堪游

二



木采采兮交蔭雲飛來兮隨鶴月欲去兮仍西風吹  
花兮未落花未落兮猶春酒依依兮如昨王與謝兮  
讓余蓬萊游兮堪樂

秋蘭辭 少司命

秋蘭歌三閭大夫以奉司命者至漢張

衡賦兩言之秋蘭被涯又曰而酈炎

榮何曹植秋蘭被潘生秋蘭馥傳玄

豈不江淹秋蘭被諸人疑於蘭眷眷者

而九歌遺情輒鬱弗彰悲夫乃扞蘭辭

酌大夫

秋蘭兮青青得道兮如素娟娟兮好脩行隱隱兮不

渝夫人兮孰懷美蘭何為兮靚處秋蘭兮英英兮

兮自明山中兮無人其與誰兮晤傾悲復樂兮樂復  
悲快來者兮不可期悲莫悲兮有所思樂莫樂兮心  
相知贈子兮雜珮朝能來兮夕能會暮雨兮生愁心  
繚悞兮何能嘅訊蒼蒼兮如何天不語兮雲崖差吐  
琬琰兮自通寤清揚兮山之阿望美人兮不來聞寥  
寥兮浩歌雲裾兮風裳引沆瀣兮朝陽澹自樂兮優  
尚羊豈無人兮而不香

小山叢桂

招隱士淮南小山之所作也漢淮南王

安好書招致賓客游士八公之徒為辭

賦篇章曰大山小山猶大雅小雅也而

騷之意度氣蘊小山能知之然其詞有



曰山中不可久留乃作小山叢桂  
庶幾於招隱者仍反其詞焉

桂樹叢生兮山之幽區  
寒布護兮翠交流  
壑谿錯互兮雲崒霄石  
交交兮溜鳴瑤鶴陰陰兮猿嗷嗷攀援  
桂枝兮聊佳留聊佳留兮遲遲訊有華兮東籬風景  
不可支襟將舒兮孰怡碻兮曲山岑光擊牘遽兮  
心愧惚滴兮沕寥兮瑟檉蘿密叢灌盤紆兮香藏日  
嶙峋鑿落兮董籠回複榛薄葢蓋兮葩華荼郁青蘿  
素蔓兮微蕪或毓兕勇熊道兮來嘯來伏山中怱怱  
兮鬼嵬冷冷兮濟濟蛩啣兮禽嘶秋風兮自來攀桂  
枝兮聊頃留桂花開兮芙蓉寒桂花落兮芟荷乾若  
人兮悲秋山中兮胡爲不可留

華宮對

一見大夫於章華之上妃嬙奏瑤勺絃管玉金振  
作王曰宋玉嘗稱有女清淑天鮮居色之麗有是夫  
大夫曰臣聞女不畏醜而畏乎妬自古然也臣不敢  
言楚王曰寡人則異於是試爲寡人言之大夫進曰  
臣聞宋玉以風賦諫神女賦諫又以大言賦諫雖進  
規展忠不一蹈原之危且切而其含意微妙詞亦婉  
矣所謂清淑天鮮居色之麗者特喻夫士耳女以色  
爲命也文獨不爲之命歟色有自畏文豈不然言何  
益楚王曰善迄爲寡人言之大夫曰唯唯臣聞宋玉  
嘗歷九土行五都游咸陽道京洛出入鄭衛溱洧之  
間當是時春日載陽綿蠻倉庚有女清揚爰求柔桑



中有一姝窈窕含光溫柔容冶瑩不受粧玉嗟其美  
又慕其莊爰弛于行教之詩章其詩曰靜女其姝俟  
我於城隅愛而不見搔首踟躕女曰參差荇菜左右  
采之窈窕淑女琴瑟友之王又曰爰采唐矣洙之鄉  
矣云誰之思美孟妻矣女又曰舒而脫脫兮無感我  
惋兮無使尾也吠時乃度益恭辭益肅揚詩守禮終  
不過差是足稱也於是楚王稱善而嘆曰寡人不能  
有也大夫爲寡人圖之大夫避曰臣不敢臣不敢

朝丹霞

歲辛酉元日夜半夢升天雲氣彤爍光  
流玉霄朱門金鋪丹碧璀璨金榜在上  
曰丹霞宮

帝君被髮仗劍坐於中闕武士金胄肅  
然揮呵曰汝本朝

大宋皇帝也予歛服端拜心神竦昂歷  
屋數十間見霞衣星冠出入者百數乃  
依入者以趨至庭下爲天樞院須臾兩  
貂蟬擁靈君贊曰天樞上相予拜相亦  
拜大青杯設茶冷如冰東橫兩朱几几  
上籤卷秩秩因輒問此何書耶相曰郊  
年進

上帝故事也以其一授予黃羅而金欄  
一行三字字大書一黑床設大玉盆予  
曰此非洗玉盆乎相笑曰是俄揖予興



過一二十廊至小軒甚窈覩軒下六井  
銅爲欄顧予曰一井有水水通海自海  
井導爲六耳又過小廊至一齋凡三楹  
環設可一二十几几各一研予捧玩驚  
喜最後一石刻曰陽嘉元年相舉以賜  
予自勉以道予拜而受夢忽寤時已五  
鼓旣以詩記其事因閱唐顧况朝  
上清辭愛其幽古婉暢脫去塵滓依稀  
其趣作朝丹霞

沐佳施兮清靈滌三生兮無腥  
迅玄挺兮嘉會蛻吾骨兮坯吾形

杏條駕兮潛青冥舞剛風兮鵠分翎  
上何有兮無能

名老積炁兮寒冷冷

竊復竊兮流火庭物受鍊兮愁六丁  
爍此鼎兮神無傳雪盡垢兮朝朱陵

轉璇樞兮上亭亭一語契兮驚群星  
味清淨兮不可經玄復玄兮發新硯

畫琳琅兮黃金繩帝監觀兮燕清寧  
聞不聞兮繳無際毛髮竦兮心爲冰

井有波兮通滄溟玉抱德兮誰能銘  
愴來歸兮折然醒道有成兮其當升

幽蘭賦

蘭曾伴屈大夫政復何恨然非屈大夫  
無知蘭者予固非知蘭亦非知大夫者



後五百年或有知予者焉

皇以度而揆予兮，寔貞貞而孔安。含素光以致燭兮，考幽人之所槃澹。群動而不競兮，約洵美而且閑。樂孤風之脩脩兮，幾激貪而律頑。一既分而為乾兮，老群星之芒寒。又一索而坤動兮，百嘉熾而多蕃。予乃持其神秀兮，成天地之所難。陵高姿以吐妙兮，抱幽古而遐觀。峭夷爽之特立兮，非盜蹠之可妖。認西子之孤靚兮，豈嫫母之並歡。彼釜礫之自珍兮，有瓊壘之獨剋。又蒿蕪之盛蔚兮，幸蘅若之未殘。勺明水以薦芳兮，三沐浴乎清瀾。耿積雪其如素兮，尚有知予寸丹。眇洞庭之始波兮，木舞葉其珊珊。凍沅湘而合兮，騁白蘋而渺漫。招帝子而不來兮，真予瑞干。

干導微馨以輸誠兮，律九歌其銷魂。

騷略卷二

Blank columns for text in the left page.



騷略卷三

高氏似孫續古

水僊花前賦

水僊花非花也幽楚窈眇脫去埃滓全  
如近湘君湘夫人離騷大夫與宋玉諸  
人世無能道花之清明者輒見乎辭  
天以一而生神坎既習而成玄滌冲與以致潤抱孤  
貞以成妍禹何智以能海羲不神而開乾際壑烝之  
無畔壯英心之自僊悲莫悲乎巫咸之鄉哀莫哀乎  
原胥之淵迅英挺以如濯肯徘徊而自憐至若鮫館  
截綃而凝霜貝庭含璣而媚川蒼茫乎三島之接霧  
杳眇乎十洲之匯天雲雨閑霽水空澄鮮一色如磨



萬波不顯亦有帝女兮泣竹湘君兮鼓絃神妃兮解  
佩冰夷兮扣舷是皆凝姿約素挺粹含娟以婉自將  
以淑相宣芳以氣屬妙以辭傳指北渚以將下薄西  
津而驟旋或舉芳若或采佳荃有蘭可餐有蘋可搴  
於是樂極忘歸塵空失蠲萬慮俱泯餘情獨筌扣冰  
娥以勺酌訪瑤母而絜嬋挹水星以請命託神祇而  
垂甄已矣乎超萬劫以自蛻麗一微而獨消懷琬琰  
以成潔抱雪霜以爲堅參至道以不死秉至精而長  
年是蓋苞水德之靈長合五行之自然者乎

水僊花後賦

予既作前水僊賦疑不足以潔予之情  
者乃依稀洛神賦爲後辭尚庶幾乎

余從太史游覽山川汎瀟汨下澧沅摩嶷雲息梧  
歲莫天寒僕痛車顛爾乃釋鑣乎蒞涯進秣乎芝廬  
周旋乎荆許騁望乎湘淵於是神疑目駭心離意惘  
即之儻况適焉彷彿覩一美人于水之側乃附從者  
而訊之曰汝有識於彼者乎彼何人者甚閑且潔也  
從者進曰僕聞茲水之靈曰湘夫人然則太史公之  
所遇其或是乎其形維何僕願知之余告之曰其狀  
也皓如鷗輕如鶴停瑩浸玉絜秀含蘭馨清明兮  
如閨風之翦雪皎淨兮如瑤池之宿月其來始也惘  
然層冰出蛟壑其徐進也粲然清霜宿瓊枝沈詳弗  
矜燕婉中度不穠不纖非怨非訐美色含光輕姿約  
素瓌容雅態芳澤不汙素質竊裊流暉嬋娟抱德貞



亮吐心芳蠲婉嬖幽靜志泰神閑柔於脩辭既丰日  
鮮飭躬被服稽圖合章我五采之英珥兮錯九芝之  
明璫舞碧霓之脩帶兮受英雲之輕裝顏有鍊而如  
灼體非薰而彌香沐姱容之練練乘清氣之徜徉於  
是舒懷肆逸且娛且顰羽蓋翳映翠旌繽紛躡金搖  
之欲墮兮玩晴洲之青蘋余衷眈其靜變兮黯澹蕩  
而馳神媒不靈於締歡兮託湘波以通勤暢中靈之  
胥悟兮捐予璫於水濱懿玉儀之靖莊允約矩而應  
規輕瑤華而不御兮指二南而揚詩謂皎日之可鑒  
兮非暗室之自欺數解佩之夙遇兮風嫋嫋而凝思  
志貞介而言妙兮誓守禮以將之於是靈脩竦然懋  
婉徘徊拊孤影以欲翫心將飛而仍回褰蓀幃之芳

烈燕芷房之玫瑰感幽志之悽激兮喟揚音而彌哀  
爾乃衆真縹緲並游嘯侶或濟西澨或臨北渚或采  
幽蘅或茹芳杜約洛川之神妃會巫陰之奇女清莫  
清乎姮栖愁莫愁乎牛渚滢輕裾之裔裔冷清飈而  
雲舉體迅飛鴻倣若輕雲流睇橫波餘芳氤氳其度  
有則不顛不危優柔靡惑必競必祗温乎如玉擘兮  
陸離精采相授差余其悲於是川后歛颺冰夷却濤  
龍伯獻珠鮫人貢綃躍三虬以指塗蕤蒼芝而夾御  
雙螭帖其馴乘儼華旂之布護鴛鴦嘯而先驅翡翠  
翼而齊驚於是趨彭蠡過洞庭洗月轂飛星軒流清  
聲而吐奇誦坤乾之大經畫三靈而不汨潛一意而  
長醒恍揚袂以如失雪微沈而霑纓拊佳期之不來



日冉冉而西征，負微素之孰寄。誰其將予，英瓊揚清波而微注。指潛淵而自驚，恍精采之相授。迄難陳其餘情，於是游倦思歸。路異神留，遺思杳眇。寤寐好述，寔悠悠而何之。指寒川而薄憇，蘭菲菲而襲予。睇碧雲而搖曳，信心會而神交。豈綢繆之未契，竦僕夫之微予。命速駕乎蘭楫，其母惑於所悅。當陳古而為之制。

松江蟹舍賦

鷓夷子皮既相，句踐讎閭閻。殄夫差，吊子胥，無纖恨於越人。乃騁懷於西，吾乃昂然作喟。然吁曰：免死犬烹，鴻罹于罟。古人所危，吳其亟圖。方將朝三江，夕五湖。一去不回，樂哉此桴。蓀其遺於人間，情嬾嬾於姑。

歛水統乎笠澤，天包乎具區。松陵互潮，太湖交瀦。川納壑，府波畫村墟。石罅碕岸，崖釐別嶺。波程杳渺，水路盤迂。洄渚碁布，聚落星敷。采之於山，則綠膩女桑。黃苞橘奴，收菽貢梨。剥棗擷茶，取之於水。則絲被紫萼，筍含青菰。采菱舂芡，食蓮燒蘆。是皆舟子所鄉，魚郎所廬。葭莩兮為域，莞葦兮為郭。鴻鷺兮為鄰，鵲鴉兮為徒。時則天澄月淨，風恬靄舒。或霧氣之濛濛，或煙雨之扶踈。棹歌亂發，漁榜疾徐。命濤嘯侶，靡一不魚。蔭柳邊之巢椽，注隔花之曾蕪。兒奏輕舂，婦呼飛鼠。水事歲歲一發，靡虛乃有。鱠殘之鯽，四鰓之鱸。瓊異叢毓，鱗甲紛拏。鯉皆會於漁市，羨足給於魚租。至於露老霜來，日月其徂。萬螿生涼，含黃脂膚。其武郭



索其雄睢盱其心易躁其腸實枯勇鼓而喧集齊奔  
而並驅鷓鴣夷公顧而笑曰昔者吳之將微民甚難虞  
厥有躁亂害于菑畬是固汝輩之所騁者歟其人趨  
而告者當是時也善有鮮鑿貞有罕孚樂鳩乎毒習  
甘乎諛一豔方妍漂香沉珠樂極危生淪胥以鋪是  
故非蟹罪也維我吳人以漁爲娛每施勤於筮斷皆  
得志於江塗方洞庭兮始霜熟萬嫁兮豐腴執一穗  
兮朝魁目洪溟兮爭趨工緯蕭兮承流截感涕兮防  
浦燎以乾葦檻以青笳喧動涼蕤驚飛宿鳧其多也  
如涿野之兵其聚也如太原之俘蟹事卓犖八荒所  
無今敢藉以涼荻束之風蒲願奉一醉獻諸大夫大  
夫嗒然笑曰嗟汝吳兮巨鯨樂太伯兮開初括干

兮自裕跨蠻荆兮遠摹于星紀兮經略控軫野兮車  
書至若藪澤幽靈川瀆漉濟灌注兮天下之半鬱拂  
兮瀛州之居忘越矢之倏西嘆廣臺之交蕪余方超  
萬物兮如蛻豈一蟹兮樂且吳人再拜進曰大夫高  
矣儂聞宅金湯之固者莫崇乎德者也建竹帛之功  
者莫勇乎謀者也目吳越之成敗憶君臣之嗟戲然  
儂者生長水國子孫澤隅朝莫一艇暑寒一蘧老魚  
鼈而爲命狎鷗鷺而不孤久與世以相忘亦傷今而  
欲痛大夫方將謝軒冕樂樵漁儻玄機兮相高庶嘉  
遁兮不渝今儂有粳可炊有酒可沽幸江山兮如待  
祈風月兮無棄大夫爲之欣然曰若子者是豈以蟹  
爲業者歟非渭水之遺智必山澤之脩癯深樂其言



藏道於愚欲去兮徘徊欲逝兮勤渠舉酒酬酢道古  
哀歟與之釋縛爲之拍浮剗甲如山壑橙如舖意晤  
忘言酒深相扶指青天兮自誓幸來世兮知予眇煙  
水兮莫流迅孤舟兮長呼蟹翁者三嘆於邑四顧躊  
躇揖長江而如矢聆浩歌而莫能俱其歌曰天高兮  
月寒天風兮水急鴻遠兮汲汲人有慕兮何嘆及老  
霜澤兮遺漁斷有蟹兮罟有魚酒答天兮天知予子  
不得兮愁何如又歌曰洞庭兮既波松江兮未雪一  
舸兮自決知者樂兮樂者哲蟹徒兮魚肥風吹觴兮  
酒淋衣知有蟹兮不知時若斯人兮其庶幾

後長門賦

荷君門之嘉采兮早服勤於下房挹清暉以長新

知秉柔以自莊拜姆師之攸初兮輯圖訓以爲綱曾  
傲戒之有詩兮又竊寵之有章友琴瑟以從容兮巨  
勺斟於宮商裁白玉以爲節兮妙約珩而結璜筆彤  
彤而垂史兮日好修而靡皇惟寅承於渥澤兮蔚春  
榮之齊芳每自懲於華敷兮那與春而俱昌信凋落  
之依時兮一葉實而欲黃感天序之難一兮悵人生  
之靡常蹇兢兢於深薄兮嗟寵綏之不可量憶嘗參  
君瑀輿兮游君王堂又嘗奉君瓊卮兮侍君瑤廂輦  
深怯於同登兮爰下拜以徬徨熊不期而倏來兮委  
微軀而輒當君亦諒其微誠兮謂雖柔而亦剛妄自  
肩於夙夜兮肯或負於蒼蒼者耶宛掖扉之多娛兮  
左蘭葢而右昭陽方並進於采麗兮仍翕趨於嘉良



綴明璣以如旒兮，焜截塊而飾璫。信競媚以取榮兮，此凋謝其奚傷。懸明月以自照兮，感孤禽之嚙啣。覽翠袂以深絕兮，耿餘悲於寸腸。悵玉戶之如隔兮，夜寥寥乎未央。勺千古以凝監兮，盛與衰其交相。女恃色以爲命兮，寧專美於花嬌。下蘭宮而周覽兮，企璧門之鸞翔。遡僊掌而如擢兮，渴露英之灑灑。雜珊瑚之叢碧兮，羅珍物之琳琅。群窈窕之華麗兮，嗟夙願之莫償。月在梧而如冰兮，風入槐而吹霜。鴈無慘而將寒兮，蟬似語而號涼。結幽蘅以藉枕兮，席荃蘭以敷床。攬翠被以展轉兮，味宿薰而猶香。愁與夢以難靈兮，不自達於君傍。誰以海而爲漏兮，滴秋聲而加長。夜漫漫其若歲兮，懷鬱鬱其誰揚。告女官以輸芹。

兮願一陳於吾王，王乙夜而陳書兮。必有監於興，非宋玉之有聞兮。夫誰陳乎，高唐仰懋德之無逸兮。宜千萬年無疆，願母輕於螻蟻兮。尚飭龜於滌荒。

讀易賦

嗟古人之不余欺兮，吐微言以昭宣。苞萬微以自圖兮，肯造端於坤乾。杳兩氣之吸噓兮，邀元化以齊甄。產六子以該輔兮，諧初畫以俱旋。人以事而鼓桴兮，物以數而珊鑄。昧罔窺其橐籥兮，智或殫其眇綿。嗚呼！末與孔孰囿命兮，肯自放於踣顛。迄以道而著龜兮，特探幾於羲先。老世故之轆轤兮，信吾辰之迤邐。泯無悶之可汰兮，假羲翁以俱傳。西伯不知其所以兮，犀父亦莫知其攸然。任吉凶之盪摩兮，付吝悔之



爭挺覽天人以自索兮坦日用於平平於嗟乎九歌  
其誰作兮太圖絜而娟娟既以身爲心累兮猶輸情  
於蘭荃又豈知薇有可采兮匪伯夷之隘焉抑不如  
歸去來兮樂夫天命以自研余亦消息盈虛兮有余  
師者聖賢索遺文以退傲兮三加省而逾堅審爻象  
以耽玩兮粲日星而陳前數固非可偏揲兮理亦非  
可以獨筮嗚呼天生余有命兮余有命其在天妙矣  
夫知之精之者在玄之而又玄尚有得於古人兮幸  
加我以數年誓將老於斯經兮其毋忘乎三折編

秋蘭賦

客有遺予秋蘭者比家山所毓尤清癯  
特香味稍減豈涼未深耶系之以辭

眇銀渚之如傾兮訊宵涼之方幼俶有風之西香兮  
竦孤貞之俄秀宛青葉而紫莖兮花四三崇且瘦心  
兩兩而一知兮驚汝我之俱舊吁靈均之有靈兮炯  
不死而猶壽九其歌之迢迢兮豈韶勺之可奏洞庭  
波而舞葉兮菊英英而趨茂何獨憐此幽深兮了非  
聞而非嗅香渚北之雲興兮帝子澹乎先後擷微芳  
而薦嘉兮叫湘臯而寒溜余旣莫之偶兮律遺聲而  
孰扣勺明水以酬君兮耿斯意之不可又君亦裴回  
而忘歸兮指蘅荃而將授予更曰芳之克肖兮豈氛  
凡之能垢不然易其何言兮今琅琅乎其臭



獻醜集

閨女弄妝自謂天下色也出見施媾始知獻醜予以  
詩文獻醜者也自重適之餘戶外事一不以綴意獨  
嗜筆硯如奇聲美味每有題著必拊几嗟賞謂意語  
天出不知前有古人今有作者及示人人傳以為笑  
始悔不藏之也然則醜可藏乎曰不可安知不有窺  
而笑者哉抑笑可禁乎曰不可禁笑則愈笑也與其  
藏醜而人窺笑禁笑而人愈笑孰若獻醜之笑之為  
快也故氏其集曰獻醜嘉熙丁酉中秋日梅屋許業  
自序

梅屋記

予小莊在秦溪極北屋庠地狹水南別築數椽為讀

鬼集

[Large blacked-out redacted area covering the right page's text]



書所四簷植梅因扁梅屋丁亥震凌屋仆梅壓移扁  
故廬客顧扁而問曰昔吟逋愛梅未嘗一日去梅爾  
愛梅無梅屋扁梅屋猶饑人畫餅奚益請去扁予曰  
向也以梅為梅今也以心為梅扁何問焉扁可以理  
觀不可以物視片木二字而已理觀四壁天地萬卷  
春風庾嶺香孤山玉豈襟袖外物哉斷斷以爭其無  
喋喋以衒其有皆非物理之平也請別具隻眼客曰  
唯

### 瘞木文

溝中之斷僕取為薪斤斧將奏予止而哀之曰女巢  
鳳凰者乎棲鷓鴣者乎教歲寒而蒼翠者乎媚春光  
紅紫者乎何楠杙不齒輾輻不錄而泛泛水中  
不剡之舟乎使造化者完女根株布女枝葉復生於  
仁壽之域或使匠氏斲為瑟琴文為犧象不朽於禮  
樂之鄉女欲之乎木以臆對曰天地一紅爐也古今  
一燄光也堯桀同埃孔跖共燼豈獨予可哀而為是  
拘拘者哉請爨之予不忍瘞于後圃贊且識曰出乎  
是反乎是與焚溺異木乎木乎超生死類

朱黃二君說也阿味黃二筆

阿丈人揖朱黃君而問曰吾膠漆二友為梅屋校讎  
有功請各第而言之黃君曰辭訛理舛非我莫攻點  
謬畫差非我莫蓋且中央色也當受衆采北面朱君  
赭容奮髯而怒曰句讀我判四聲我分又文之美惡  
我標我準實破暗之燈火拯謬之丹砂也彼雌其名







予貧喜書舊積千餘卷今倍之未足也肆有新刊知無不市人有奇編見無不錄故環室皆書也或曰者書好售鈞為一貧貧書而饑不若貧貨而飽貧書而勞不若貧貨而逸人生不百年自苦如此答曰今人予不知之自古不義而富貴者書中略可考也竟何如哉予少安於貧壯樂於貧老忘於貧人不鄙夷予之貧鬼不揶揄予之貧書之賜也如彼百年何樂之有哉書目未有序童子志之

送張南窓序

南窓張君鴈山片玉也一日抱琴過我酒三行起而曰梅屋吾與琴相好江湖二十年程山行水不忍一日棄月驛涼宵雪店寒曉手不釋弦弦亦不釋

但未能如阮千里無貴賤長幼使之彈而無忤色將卜居西湖與琴終老因過子以獻一曲曲曰抱琴來兮鴈山低抱琴歸兮鴈山崔嵬卜居兮西湖之厓身伯子兮心子期予謝之曰人琴俱清又居西湖孤山之梅添香矣他日予到西湖見鷗鷺當門花竹繞屋而中有琴聲者必君之居也訪君君罷琴而接之乎

融春室記

予多病畏寒未冬為縮殼蝸矣陋室第三桁下分立四榻中垂一簾對懸樂天東坡二先生像當窓晴日煖肌骨暢柔爐溫火深神氣和淡未信天地間別有春也嗚呼室舊室也歲殘歲也何昨也冬而今也春



吾疑二先生在焉霜雪不敢犯之疑葉葉春風自書  
卷中流出不然是造物者憐我寒痼異令於一室也  
然不敢私一室之春願融而為天下之春貧褐富表  
同一溫續家居客寓同一熙臺此予之心也二先生  
之心也

王文書目序

王文以書謁而貌有羸色予問其故對曰文載書自  
植而湖自湖而秀村縈郭滯日引月長舟不減輕囊  
不增重蠹飽而人饑別圖什一之利而未忍不獨貌  
羸心亦凋矣予曰女書不售他利可圖士不讀書無  
業可換况當天子興太平以誥化天下天下之  
鮮醒陋目剝鉢急心吾見家

然之貌為欣然之色矣姑小待

責井文

夏五小旱井無羽泉予俯視而責之曰吾謂女炎夏  
涵冷凜冬抱溫不趨其時者也初瓢冰登莫罌玉溜  
不易其操者也今泉源猶活爾泉獨枯泄竇塵積甃  
縫煙生始悔知女者淺期女者之太深也予寧休炊  
息飲誓不屈耿恭之膝言訖倦爾而睡見童子蓬頭  
土面焦唇燥吻喁喁而告曰吾井神也使爾釜不生  
塵衣不凝垢者誰乎使爾筆硯津津濡雲染霧梅疊  
灑灑泛月浮花者又誰乎久濟上功一渴成怨何少  
恩耶當扣天閭闢泉戶償子無窮之汲覺不知其所  
之但聞西簷之雨



送教上人序

人不游學自塗耳目者也士而游學渺渺江湖寥寥  
師友何處非重費哉故以貧塗耳目者十常八九僧  
天地一刹也聞鐘展鉢望塔投所安有士之一費如  
是而不游學守巢鳥耳鄉僧脩教讀智者書然皎然  
靈一句法又飛錫鷲峰目書外之書耳句外之句離  
山出海之龍象歟鷲峰予舊吟行之地也老矣不能  
侶馳作送行序

樵談并序

樵身也談心也向月帶雲崖和樹聲苔泉  
響高亦可低亦可繁亦可簡亦可猿鶴不  
猜鹿豕不忌恐饒舌者語世人世人之

耳世人不談王道樵亦能

耕田者有水慮耕湯田者有旱憂耕心田者  
無慮日日豐年

摩書覆說列衣史粘窻誰不惜之士厄窮途落窻穿聞  
者不憐遇者不顧聽其死生是賢紙上之字仇腹  
中之文哀哉

與邪佞人交如雪入墨池雖融為水其色愈汗與端  
方人處如炭入熏爐雖化為灰其香不滅

小人出事剝竊入事熏修是攘雞賽神攫金妝佛神  
佛其據我乎

逢彼躁忿如塗雪著面而易融逢彼笑怒如隙風侵  
肌而不覺



子怨父貧兄攘弟富妻妾視豐儉為悲懽奴僕視盛衰為勤怠市道不在門外矣

殺人者死定法也酷吏殺人不死諺將殺人不死庸鑿殺人不死法定乎

凶人祭祀吉神不饗如君子不受小人之苞苴吉人祭祀凶神不臨如小人不登君子之俎豆

聞君子議論如啜苦茗森嚴之後甘芳溢頰聞小人諂笑如嚼糖冰爽美之後寒沍凝腹

或問優孟學孫叔敖抵掌談笑歲餘與叔敖無辨今人終身學孔顏何百不一如曰心學滑稽易口耳

學聖賢難

畫工數筆術者片言僧道一經半呪動得千金文士

刻精鉢心不博人一笑吁士也賤何獨在茲

攜魚上砧送蟹入金無不惻然及坑才陷藝惟恐不深是不忍於細而忍於大

鬪金闕玉不幸甚矣而先人手澤亦卷分帙散永為不全之書是遭無燄之秦也哀哉

貴蓄孔鸞賤視賓客肥飼猿鹿瘦役輿臺不義而富貴者之積習也

衣垢不湔器缺不補對人猶有慚色行垢不湔德缺不補對天豈無愧心

古人歎未知為人父之道而有子今人未知為人子之道而有子

庸匠誤器器可他求庸婦誤衣衣可別製庸師誤子



弟子弟可復胚乎

龍有蛇之一鱗不害其為靈王有石之一脉不害其

為寶士有百行一行偶違不害其為君子

自己之僂真僂也不求真僂而求繪鍾塑鼎惑矣

乘行弄趨周冠孔裳者恐未可以貌定也使其見遺

金於曠寂之途遇色婦於空閑之室而一不動心

是堯舜返竟周孔復肉不然仁義之賊也

或問浮屠氏以身為旅伯何必殫費金朱華耀土木

曰小人性貪非窮奢極侈無以起其信心

君子對青天而懼聞雷電而不驚履平地而恐涉風

波而不疑

讀孔孟之書而不嗜殺人者未為仁人也讀孫吳之

書而不嗜殺人者仁人也

東家富財車馬接踵西家富德風雪閉門

燕處文梁壘深鷓煖鳩棲弱葦巢折身危蕭蕭得其

託熱成烈就慶衍後人且增失其託義破忠殘餒

貽先世然則劉季豪傑之文梁項羽英雄之弱葦

也

上交之難甚矣百詬未必喜一忠刻骨怨之一百巧未

必錄一拙終身棄之所以古人高尚其事

虎不食虎人食人虎不食子人食子哀哉

破瓜傷膚壞梳摘髮色為之變羸珍瘞身列艷靡骨

心為之安

倚富者貧倚貴者賤倚彊者弱倚巧者拙倚仁義不



貧不賤不弱不拙

天不能家訓戶飭賢一人以誨衆人之愚天不能家  
贍戶給富一人以濟衆人之貧非以賢私一身富  
私一家也

瘖犬說



別墅二犬一大瘖廢群佃交議曰職吠者無聲當與  
不鳴鴈俱死予召而喻之曰夫瘖於聲者未必瘖於  
心也是畜呼之而來叱之而去不瘖於進退者也賓  
戚升堂嚙而迎之塗人過門嗔而逐之又不瘖於親  
疎者也視夫衛輒吠父王莽吠君管象吠兄弟怒聲  
徒嘈嘈於天下後世耳爾不原其心而鳴者生瘖者  
死是冒持聽衡謬操刑柄生者幸而死冤矣群佃相

視而歎曰吾儕瘖於心者也念不到此敢不與是畜  
俱生拱而退

獻醜集

鳳台圖畢





Seal impression in seal script (shu). The characters are arranged in two columns, reading from right to left. The characters appear to be 日本書院藏 (Collection of the National Institute of Japanese Literature).



